潘 子 求 1= 錄 輯 要

生之理又以為知之不息知之充滿則難名求仁去仁遠矣 學何在並非求仁其脈路乎求仁之血脈何在豈非强恕其妖要 生云間皆與一二友言多謂明明德於天下之志雖力强之而不 潘子求仁錄輯要卷九 於天下即又日但須知仁是渾然天地萬物一體若認作愛之理 親切不親切吾之所言無不親切志在求仁仁是何物豈非渾然 千由是强恕反求綿綿密密則當體已是渾然一體之仁是為求 天地萬物一體者耶志在求渾然天地萬物一體豈 如此自能得仁生云先生此言覺於初學更親切日聽之者有 惟必為聖人之志自信不容緩日志必為聖人數當審聖人之 篤志力行上 四明後學二文强孝章 滇 性義門全校刻 非欲 明 明德

等 信 成 在志乎此 日 提 先 仍是欲 生脊嗣先生教初學立志且勿提欲明明德於天下恐驚疑不信 體之質而自得 베 總不 得吾姓渾然天地萬物一體若認以為理以爲智慧則失之又 一世貼 生日 夫不切 力德不容以不進又日天地民物 明德 亦勉之 理嗚呼此所以為士不可以不弘毅也此所以思狂狷也子 於 提志求復性亦可人各有性豈可逃而不復生於然云此 如提欲 明明德於天下不得已而改換名目非有二語又曰 切先生日吾性 則與心不能凝聚完滿必不能深造渾然天 天下之欲不切 耐 則力量不 Ľ (水仁對輔要卷力 居安益實簽渾然天地萬物 돚 明明德於天下此是千聖命脈此是吾儒立即所 大而大器局不弘而弘志乎此 渾然天地萬物一體求復渾然一體 则格通人我之工夫不切格通人我之 已全身擔荷之矣豈有學不 體 願 則行不容以 欲實用渾然 地萬物一 亦須 之性

對 性 非. 如 託 用 天悠久無疆學之大如此是故立志明明德於天下乃其入道之 乎發育萬物峻極於天日至誠盡性盡 民 兵欲 與天地参日高明覆物博厚載物悠久成物博厚配 針直 是 我 有二如是 復 地 信之學修身齊家治國平天下之大學也故日在明明德在親 力復性之功即是率性誠之者之人道即是誠者之天道豈非 在止於至書 工夫副如是願欲如是願欲故有如是工夫是謂真志真功 萬 万自 如是性分如是性分故 経儿聖 非有二所以某皆謂欲明明德於天下乃自性之欲格通 物 在格 體工夫自能實證渾然天地萬物一 願 水仁錄輯要卷九 同條天人共貫之學脈與 通自性之欲則非强立大願自性格通則非作意 欲復如是性分如是性分故有如是 願欲是謂真 日致 中和天地位焉萬物育焉曰聖人之道洋莲 有 如是工夫是謂本體工夫亦有 人性盡物性費天地之化 體性分如是工 地高 明配

渾然 於天下不格通人我必不容不休惕惻隱豈不可見我與孺子果 年見孺子將入於井有林楊惻隱之心否此時 道 是容廓不切之虛願與之言强恕反求格通人我則謂是行已之 根 端或謂念念 **時時渾然天地萬物一** 厦 基格通人我乃其入道之途路學大則立志大功夫大響之捷 非得是人不傳若今日學道之士與之言明明德於天下則謂 明明德於天下也不驚其大言格通人我也不疑其緩大學之 磅礴之氣可以擔荷天地 則 體古 $\mathcal{F}_{\mathbf{L}}$ 基 水警子 就绿五就湯周公夜繼日坐待旦孔 址必廣厚途路必覧平在者捐者大縣剛毅水納有造 ij Ŀ 在國家天下與我身心不相 再 人不似汝偶然發見不似汝乍發即迟故堯獨憂 溺 由 巴溺殺饑 一體常似汝乍見林惕 民物上承千古 山巳餞湯戮力請 關某誠問為此言者 下開萬世與之言立 **今**即 **乕不暖孟** 任汝不欲 汝 俞 乍見之真 旌 派 子不發 明 **承遏** 明德

真以驗用工可知强恕反求格通人我非行已之一端即汝乍見 臉立志可知欲明明德於天下非空廓不切之虛願即汝乍見之 性善即汝年見之真以驗心可知是仁人心也即汝年見之真以 以驗古聖賢可知非不情之憂苦即汝乍見之 得之日令人止信後世之學而不信孔孟之大學後世之學只在 渾然天地萬物一體必須深造自得然須先信得吾性渾然天地 見之体惕問隱恭為不信吾性渾然天地萬物一體者作一即證 (依修共身起手故其格物也非格通人我卒不能知渾然天地萬 物一體之性如以窮至事物之理為格物而又主敬以來身心以 T. 與以驗學問可知某之學非無與於身心者矣某提渾然天地 事之不正以歸於正為格物而 一體好能立明明德於天下之志始能竭力格通人我有自 體蒸欲人立 ▼求仁錄輯要卷九 明明德於天下之志引孩提之愛親敬長乍 所悟乃不落意識之智慧葢窮 真以驗性可知是

Ĭi. 是 ľ 無 嗚 格 天下之志 至 生消 有 欲誠其意初志既不能與孔孟對同故學問成就不能對詞 原欲 具聖學根基後代諸賢非不卓然有志不過 他 但 通人 呼根 古之聖 事物之 學問當 欲 Ŧi. 初學小心即 而志於學即成就 基 明 以副如是性分始為不負吾性 《我者恰副欲明明德於天下之 明德 理正事之不正以歸於正者恰副欲修其身之願 既立此志必須格通 人誠以吾性 小 與孔孟 則着力小而 於 天下是 以 對同立志先須與 明明德於天下大任付之不疑則駭請 本渾然天 也人 成 一孔子願學孔子即成就一孟子吾僚 就 能 亦小 人我如是工夫以副 明 地 明德 萬 根 孔孟 物一 世 基 願分明有大小偏全 於 大則 天 貲 體 下常 欲修其身欲 同 若 枚 對 須 カ大 同 下 如是願欲如 止 萬 孔孟之志 而 朋 物 明 成 Ē 德 就 之 體 别 於 亦

原案爭久遠之名者醉詩文 志須十分大十分與小不得分毫浮不得分毫方對同孔孟方不 火死於饑寒死於恐怖父子兄弟夫妻老幼或 某謂志立而學九分矣其一分 人具有 亂 口來生民無善治正因無擔當之人但此不屬氣魄不屬意與須 ,如餘幾百姓作何過活讀孟子父子不相見兄弟妻子離散老 於轉乎溝壑光者散而之四方即例然傷心今日世界恰是如 實有一團真精神實有一副真肝膈某少語五代史數彼世界 古之人見今日少此擔當人不得孔孟之學二千年未明漢唐 緩某謂此學原謂之大學原是吾渾然天地萬物一體之姓人 離之慘殺戮之痛不知多少無辜死於兵刃 ١Ĺ 此 錐 性. 水上銀輯要卷九 i [ji] 刺骨 人人宜有此欲放逢人 淚 出痛 自好者以高尚為奇行混 腸 須自得居安渝學問志居九分論 而舉世之人或 **颠舉先賢云志立下學半** 四 爭一時之名者 死或擄不得一 死於蹂踐死于水 跡者以清 見

為念治道學脈為 涸 寫 们 jī FI 於 生民途於何 指 来 不 不 耳若能畜然思維憬然悔悟 為 為得策學仙者辟穀清淨求長生好佛者弄 妙悟 如 可棟 小 如 抓 窮巷獨善於 有志正 بالا 人 救 عالا 省不 人具 他而 大 數百萬塗炭之生靈 志 ŀ 、約是 不 度 學者亦不過過念制 得為 足不是他能我不能雖然豈 得 於 出身擔當無處推避老者安之 El 弄 起 書 世 心亦太忍哉嗚呼彼其人非 阊 界有 輩事若吾輩不擔當 天下奉平何 理 人謀而不忠乎與朋友交 里為修身 操擇于見 此豪傑方能 又或 此 丠 聞為 個擔子是吾 Ħ 欲為克巴提 明 見豈不誠 明德於天 以活潑自在為受用識 學識 昌 聖學何時明人心何 明二 概:貴之農 丽 性 朋友信之少者 絶不以天下生民 千年不續 而不信乎傳不 下之志 不豪傑也但未之 醒 可哀哉痛 把 分 中具足 捉 為 I Hil 裁諸 商贾 之聖學 舊 操 取光 胙 存 啃 與 帔 肵

教祭宗了生

肜

接扶此欲終覺掉扶不起如何日大學欲明明德於天下乃吾性 只擔此擔子千古聖學只為此擔子擔上此擔子總是學門肯指 德於天下不容不格通人我只在自己分上格通天下不在天下 生問自省明明德於天下之欲不切目當思想天下生民塗炭以 此擔子方是豪傑有志其幸思之其尚勉之 十擔當世界即是擔當聖學擔當聖學 即是擔當世界千古聖人 上撑扶自已人與天地並為三才天覆地載我如何置天下於膜 上發此與欲子今從天下上思量撑扶此欲分明有內外質主之 周公汲汲行道以濟天下孔曾思孟皇皇欲行道以拯救天下我 外吾人承接竟舜禹湯文武周公孔曾思孟學服堯舜禹湯文武 先生云立志貴在思量日然須是知有羞耻吾身與天下不開 何故置 如何得真切子若果信吾性本渾然萬物一體不容不欲明明 天下於膜外但自視此身不少自然願欲真切生云所以 ▼求仁錄輯要卷九 五

生云 生云自貨惟無明明德於天下之欲故 工夫不切日工夫只在格 A, 天下着到若徒苦此念不切及空當下格物工夫豈不大謬 欲 明德於天下常在念頭上轉此是念不是志子若格通人我工天 天下在膜 只 通 下之志不真切今日但着重格物格物上着到即是欲明明能於 **本來潭然天地萬物一** 極可 加此 人我子若格通人我工夫不切全是一腔有我之私截斷家國 明明德于天下者推共致力只在格物子河來若 切印是 业 自部只是明明德於天下之念不能常切潘子日子是要明 思 維只此慚愧即不容有我即格 义問甚明明德於天下之欲有與無耶 明明德於天下願欲緊切直工夫卽是真志大學古之 外將一個大同世界橫自隔 體之性 在自縮·小左自 遍 截但知有六七尺之軀 人我工夫不容不切苟 失喪還成甚人在 明明德於天 射

1

心向往於又竟聲譽諸項已是失其本心未有失其本心而可謂 能經濟而小之个人却亦自謂有志不知這個不是志惟志於學 易云大人者與天地台共德孟子乃云大人者不失赤子之心者 題我嗚呼人本然之大如此而不自知不自信雖讀聖賢之書終 耳或狗於文章聲譽而小之或狗于富貴功名而小之或狗於才 不能覺其知生其信也豈不可哀哉 而光於人千光於鬼神乎豈非我與天無二却又非我聽天是天 神合其古这又日先天而天勿違後天而奉天時又日天且勿違 易日大八者與天地合其德與日月合共明與四時合其序與鬼 也可見當初赤子時本是與天地合德的大人但被人自已做小 地 天地能生惟人順而成之天地少我這個人不得學者須做個天 少不得的人方不負原日配天配地之本然 A Marie Control

一大り二大年記法し

臣能不自危豈得不思量思量此生當 作何等人作何等結局不 |意典一過便衰只是意氣意氣一過即消化輩云志非激昻之謂 就一五子吾人天性何皆與孔孟差得分毫只此志此願不如孔 之志者嗚呼丁有五而志於學即成就了一孔子願學孔子即成 遊我本然能事又不枉出世一生畢竟 也今古幾人有志夫古今豪傑多矣不許其有志諸友俱是豪傑 學志於道如孔孟之志然立志不可少有所倚有所倚只是意典 者只此赫然勃然不甘順受之心豈非豪傑既是豪傑即須志於 堂多上呼為庸流試以下愚維不赫然怒勃然惭不肯甘心順受 孟便甘心讓孔孟為聖人晦華云未有聖賢而不豪傑者也今滿 子之不可及猶天之不可階而 丹吾於 忠恕原未 皆行豈得便言 以為竟舜吾於孝弟原未嘗盡觉得便言竟舜不可為子貢言夫 時本是大人今日要復原來本體當亦 不是奇難孟子說人皆可 非世間伎俪况我當赤子

是豪傑諸友已立志者須是愈堅愈切未立志者當下便去思量 之不置慚慎不体質有一團真精神向學實有一副真肝腸志道 讀者作文已是因然思之思之不覺慚慎中生愈思之愈惭憤 與天地參又日其次致曲曲能有誠今雖不敢不當至誠難說其 易云大人者與天地合其德孟子乃云大人者不失赤子之心今 吾於人偷有多少不盡分處豈得便該聖人不可為豈得問不日 與不肯耳心齊有云凡民之與豪傑只在肯不肯之問諸友肯則 次致由不是吾輩事夫致尚有誠至於形著明動變化恰是參天 雕 夫子不可及孟子又說聖人人倫之至三代之學皆所以明人倫 不可蹉 不是一過便接的意興不是一過便消的意氣如此方為有志方 的至誠復得亦子之心恰是與天地合德的大人只在諸友打 不敢承常大人難說不曾做過赤子來中庸云惟天下至誠 過 **東京印度住** The state of the s

索傑之士當其未聞聖人之學時本自有品藏卓學不可過抑不 之木不久自什豈能當震風霜雪而不變哉生問志可一時立得 參天蟠地歷世久遠若不過一時意念警省意氣激發則如 謂一生日立志如樹之植根 達 為偽共反大人為小人豈許友所甘心若至誠大人非所敢望偽 是自己 否日此在自己力量問不得 只此思量便不容不自發背心不容不致曲復赤子之心諸友上 夫小人叉所不居天下豈有中立不誠不傷不大不小之人諸友 人之學自不肯放過肫肫篤篤欲罷不能此之謂直志葢志而不 可紹奪者獨露其鋒芒此所謂志氣也盡志而帶氣者也一聞聖 下達只在今日君子小人只在今日莫蹉過今日再作商 · 侏不肯則是凡民肯則至武大人乃分內事不肯則反至該 事師 野される専門分フ 友所不能為为 人的為學脈路須藉師友講明立志 植根深固自然抽枝長葉開花結束 無根 1

勉强至修身以俟則自然矣弄輩但安身勉强中切莫妄希自然 勉 削 問勉强自然潘子曰勉强自然乃為學之功候不特初學有勉强 志而自奪之尚得謂之有志乎 謂一生日夫子云匹夫不可容志也謂人不能奪之也今子自有 者進取捐者有所不為也俱是志帶氣故日必也在捐乎 氣物慘縱遇大石盤根屈曲或出其上或入其底或穿其蘇到底 入土完其生氣豈可得而飢得而奪耶 以聖人為歸氣雖非美德然未有能立真志而不從志氣入老狂 **有志之士央不為世俗所亂為境遇所奪如種樹者植根旣固生** 故無間斷而有大成之目志帶氣故雖無引翼終不沒於世俗而 帶氣者也志不帶氣故似愚若魯志帶氣故見鋒露芒志不帶氣 强也力行近平仁雖勉强而自然矣知性之後存心養性亦是 知性者亦有勉强不特知性者有自然即初學亦有自然思量 《水仁錄輯要卷九

年而浩然寒乎天地者矣其志之立已亦不及知而尚有待於, 憂思難不能使之挫譽不能使之喜毀不能使之怒葢有成童之 之樣質流俗不足以入其心勢利不足以動其念貧賤不能使之 志我立何難之有 名亦可不立 使師友任其難獨何說也 人皆以立志為難不知天下事求之於人則難求之於已則易我 若知吾性本然學所以復性則刻刻勉强總歸自然勉强自然之 志若真時步步皆自然本是勉强肯勉强即是自然至此亦不自 有蒙傑之心胸有英雄之手服有武夫健卒之爲悍有愚夫愚婦 明學者欲人立志誠難學者自立其志則易今不及身為其易而 知共為勉强矣不自知其為勉强自然莫過焉 有希自然之心即已不能勉强終無自然之日可不戒哉

之使之立其志也耶 系逆境所因順逆皆有進步處若無志順境便流逆境便例 **禽所爭只在毫釐之間自不容於不學矣** 思所喜者從樸實質硬硬择择以求於世甚解其人 人禽所爭甚微人只是看得人禽太遠故以不學為不妨若知人 **一个人俱被人管攝住參禪便為禪管攝習教便為教管攝習老莊** 人不可不處逆境學問俱自逆境進逆境者天地之所以成就有 分志若果挺然大志卓立不倚處順境不為順境所壞處逆境不 俗言志氣之骨具十分志者必具十分骨具十分骨者未必具十 須志大力量大叉樸直無機械絕不自欺力可與共學 如不得孔孟便成不得人豈不大可羞 人須識得羞耻我何以不能配天地何以不如孔孟配不得天地 《 求仁錄輯宴卷九 址 九

|為學有何難易易在有志難在無志孔子日不得中行而與之必 ·孔孟之學與世所傳學術大不同夫婦之愚不肖可以與知能行 廖慕古是為有志而其行不掩必以為妄人狷者之不屑不 **源在捐惡鄉愿然觀今世學道之士人人不欲為在狷葢在者廖** 孔孟之學凡被人管攝得住只是無志只是無力量 便為老莊管攝習諸前賢之 學便為諸前賢管攝所以終不能知 也 有志無志之所 恩而後世有以為有意修飾 入於禪玄之說與後儒之說者則非有大心胸大志願大力量 恐終不能板出窠日究竟於吾孔孟之 不為必 狂 狷 鄉愿症 乎又日過我門而不入我室我不憾焉者其惟鄉愿乎 以為執滞迁僻至於鄉恩則人人自以為惡鄉愿恰 Él 以辨而孔 聖學不明孔孟以後無人識鄉愿矣孔子明言是 孟好惡之所以由分也讀其書者皆知 之獨夫若果仍夫則鄉黨之一二有 學 然有

道 一義之義 以 俗合乎污世亦非有意逢迎其立身質地本如此似忠信康潔正 hi **鄉恩是無志之中** 加 而 非之無舉刺之無刺全非作意裝點其行誼修潔固 볏 世也善新可矣即無浩然之志趨毅然之骨力而同乎流俗合乎 孟 行違居之不疑者其立心 恃 也鄉愿只一謹愿小丈夫其志趣骨力本非擔荷堯舜之道者 同乎 共生 世忠信廉潔無可舉刺以 者皆能指摘安得焉往而不為恩人益鄉恩只生斯世也為 共 行 証 惡之 流 也亦 撕 而 世為 俗合乎污世故忠信康潔但得其似所謂非禮之禮 共善斯 E J 自以為是若非道 德之 斯 行 世 善斯 中行 戝 可矣之志行本如此 日 是 八八 可之志趣 有志之 共 制行有自信自安者 自完 亂 眼素明鮮不以為德行君子矣故 德是乃 好孟子所謂闍然婚於世乃寫 鄉愿有志 神貌 É 所謂鄉 而 以 非鄉愿有意婚 為是亦 而 妥貼者為 愿也某皆有言 即以為堯舜之 如 非色取 此 同 世 乎流 非 也

! : 、

二天早早长

2

思數多少磨 等见成 自 央不可 賢書豈有言非禮義的但看得舉業富貴重學問道德輕舉業可 在無志 聖學不過是成就這個人富貴貧賤雖殊其不可不成就這個人 聖學行共自得若 不是言非禮義或謂舉業易聖學難專致聖學徒荒舉業而 以致富貴學道或不免於貧賤身家上度量學道敵舉業不 孟 則 有志而不妥貼者為狂狷 一子日白暴者不可與有言也言非禮義謂之自暴也吾輩讀聖 雖其 徐 至 耐 蘓 行不掩踽踽凉凉而可思孔孟道眼與今人迥 在狷之可 舉 夫聖學不過復亦子之心不過直達孩提愛敬之良何 反 業 折竭多少精 謂之難舉業從句讀講說入漸漸開盤小慧濟發文 可仁意東男名ナ 本從聖學出 專致 思只在有志無志 聖學則舉業愈有精 神 無志而妥貼者為鄉愿鄉愿之可惡只 而謂有妨於舉業豈不是言非 而 反謂之易原制舉之意 則 雖無非無 神一旦自 刺 而 得 本以 别 可惡有志 剘 禮義 發 過量 發 聖 眀 明

作自已實學或做數月靜功便自開工夫處見恍呈便自謂妙悟 去就光舉業本以致富貴而不可必致為學所以至聖人而無不 左望右顧妄論學術而不自知其妄謬謂得力而實無所得脚着 見從不肯 中無自得道眼不明是其所非非其所是又有是其小慧态其謬 是言非禮義總謂之自暴總只是無志亦有看幾部前賢語錄便 以弄筆舌而不可以體身心自誣以誣聖賢自誤以誤子弟豈不 至舉業以筆舌明聖人之言為學以身心行聖人之言今謂但可 宜急豈不是言非禮義能一日用力未見力不足力不足者中道 而廢今未嘗用力以畢業自畫而遂誣聖學之難爲聖人之不可 則一縱使舉業易聖學難輕重緩急界限井然而漫從難易 邪徑口段正學又有誤信邪師以頭換面雖有 可至逃脉共在我者謂其難而不可為熱中其在外者謂其易而 細心理會一部書從未嘗苦心用一路工夫東提西拉 · 大二·泉影 聚卷九 小悟而實非聖宗

不過 展 暴一流總只是無志又有向道頗久等候 道學何常迁屬聖賢掀天事業量是拘拘 樹 勯 正學不 又有界窥 非禮義自暴二 不必盡遊先賢所行斥為迁板遂至不顧行檢又有專在衣冠言 不過是 並 <u></u> 面施設不同或 叩講 假 FH 是揀世上一好題目做原非闇然為已或 格式 成 力而終遠大道力任真儒年不可被總謂之言非禮義自 ग्रं 夘 綗 為師者非實心從學者遊虛譽此等人即語之以孔 道 信 **騨女**一 細 此等人安排做作受 事 從 探 流總只是無志孟子又云自棄者不可與有為也 .総調. 引 研或任拘隅之見或牵狂妄之氣謾謂天下無師 經 班 謂凡有學術皆可成 據典說出一種道理言動不過是莊嚴道理 自謂諦當診稱至道 之言非禮義 病 自暴一流總只是無志又或謂 不浅 就 邶 1 無二聖學與二氏不過 明師及遇其人未能虛 不 又會誤人總謂之言 節遂至謂經書所 必專主孔孟或學道 即以之鋪設體 孟 叫

シ イ 到車 コック・シ

派 學是不天能 就 71 貢以 理 前 如夫子 · 干 傍 扶 只善 Ty |. 身不 不又 下學之 不 帝 . 天 過 掖 亦 **喾笑謂今人四十五十尚未** 之志 峢 14. 17. 縦 只 如 能 矣 丠 可矣 非 聖 بالا 推 可居於下學而 居 西華 學敏 月 賢即 业 坝 雖 热 夹子仍 然鳴 痢 华 未 一派旗護名檢 棄 曲 義謂 只做 做 人極 求 共 麻 之 呼不 木 in 是 从 尤 背 鄉 將 撲 者 ・
非
聴 例好人亦足 ĴĹ FI 之自棄也今有謂 省 愿 ĖĮ 造 究其生平未等 不 叉 勉 立志 於 却 有 郏 形 明 於 不近 知命 未盡 下學 痛 谓 迹 鄕 捶 自 而 回 一僧道 愿窠 矣自 古王

个有 從心 高 知立 之 互 不 75 夘 見 體 推 風 骨之 雖 信只鄉黨自好一 志夫子十有 天生賢聖風骨自然 賡 聖賢不 過 日只是個自棄只是 面 天 F 雖 却 Ė 何 其分量 不凡也愚 不 自 與君子居鞭 幾 **砦限量** 自 謂行 孔 自盡 盡是虛偽 勉豈 孟 脯 聖賢之 履 人 Œ 觸 人 知 一个若 道 上 当 Éi 不 丽 差道 流 帝 志 亦 策 調 古 III 於 難 之 無

K

大村田 村

|聽道行法亦與分不出邪正又有雖與聞正學却縮在別項修為 忘却自己本分又有主張朱以來學術或可否之出言吐語既不 命並不從脚跟下求發朝工夫身心上討自得實落却在語言 志又有一等向上學好之流固列講學會亦入放生社僧講經 |率性之謂道勉强於人倫日用以復姓之謂學道夫吾性太萬 **尋分曉知見上得領會亦一希罕相似又有考問聖賢評量古今** 有形有迹有做作者喜於著腳無形無迹 從自得中流出亦不從精思實踐上發來及其論過又不川審自 只是自棄只是無志又有雖來問學不過泛論道理或便深究性 又有心幕 體而尋容別之時離人遺事以為工夫 務 日用與所言不背謬否不體當自家有安穩處否只作一 勝而已如斯之輩自害害人不淺總 學道 欲 待閒時方做曾不知吾 謂之自棄總只是無志 無做作者懶於下手總 則異端之昧性悖道者 性渾然天地萬物一 易話 體

习在金車具先力

<u>‡</u>

一點於世情總只自棄只是無志以有知道宜求聖賢宜學但已老 能真實立志病患便可得力有一等待之心病愈却好地過又馳 務推該得儘力推該又有自該質鈍不能為須讓之聰明者而聽 業正務安得心思他用老成無罪正好用功曾不知老而聞道不 大只索休了分付後生輩年富力强莫要蹉過後生輩又道有舉 從前虛度欲俟病愈竭力此道不知學道不恃血氣不費精神若 |鑒何自逃津又有平日曾聞學道之語未皆反躬一旦病患悔 然工夫曾不知天性人人具足何分利鈍生知學 明之士又着那於詩文聲譽功名經濟不肯老實本分做開然於 用不着聰明人肯用鈍工夫不患其無成聰明人使聰明莫不以 也 枉 而已曾子省身工夫只在為人謀與朋友交所以聞 国面 一生少而開道不謂之蚤各人分內事你推我該却如一項公 不學民斯為下聰明才知但可用之於詩文經濟學道 The state of the state of 知困知知之一 一貫前規可

實而炫聰明以自喜總只是自棄只是無志更有四等人病症極 重非藥能療一種是單重悟門不從力行入悟後始講子臣弟友 宗顏淵問仁子日克已復禮為仁一日克已復禮天下歸仁焉請 之道一日可不修身齊家也終身不悟將若之何孔門以求仁為 之道始有修齊治平之事一日不悟是一日可不講於子臣弟友 自誤各人分本事不因鈍以愈果而因鈍以自該不飲聰 使學者無入頭處不知聖人之學貴於知住凡有提示工夫無不 大祭已所不欲勿施於人曾子聞一 於本體對針有志之士正信不惑遵此工夫畢竟自能知性决不 才聖學临然亦可識矣今乃目此躬行之事無當於悟如此提示 爾 在於遵夫子之善誘日博我以文約我以禮欲罷不能既竭吾 其目非禮勿視聽言動仲弓問仁日出門如見大賓使民如承 而不忠乎與朋友交而不信乎傳不習乎顏子之如有所立卓 第八末仁舒軽要名ナ 貫在於日三省吾身日為 明以務

治 ; ;;i 就 論 思孟 之語豈知學不從力行入雖有 以 走錯岔路但四書埀訓浩浩何 者是頭腦亦惟知性之士與 迥 平而 心論 串穿去今漫云無當於悟使 禪學為聖學之病禪門軍重 妙言下似 不知聖賢只說人倫日用正是徹底言心性言愛敬惻隱 别天淵乎其一種是素志性命之學東上西度毫無頭緒漫欲 知性修身齊家治國平天下恰是渾然心性荷離人 见 打得對同方能提出頭腦 已此為學之大病學者所 論 理遠人倫日用而做工夫外愛敬惻隱而言心性置修齊 性却似先知了心性方 體縱有所帶不過 平了了與之言人倫日用愛敬惻隱便視為粗淺套 | 大二米事要と 異端之見若不能悟則添些見解 好看工夫在與之論有論無說 所悟不過佛氏餘審與聖 學者無入頭處明是不知聖學而 悟悟後始有採履故有悟後起修 頭腦一提則四書重訓浩浩無不 沉没 其中而不自知者也其人 卥 而守獨遺 人知性 正是

葢 前 於內一 有說無談立談妙他從來未問聽之不晓便費獎此是大得手大 也 用 了悟人今間人倫 不自 知之或學而 亦有兩見一則信不及人倫日用即是性命分為內外而欲專務 又有 病頗同而有異前病是確然 人禪 别 因 知性者說是真實語在未知學者說是膚殼語中庸云或生而 問 無心性雖在人倫日用中原不知人倫日用此種是孟浪不 聖學不明人心陷溺彼謂講學有新奇可喜之言若與之說 却 則疑躬行實踐未必能悟縱悟亦建等待不得這一種與 (Y) 此病是游移無定見希圖捷徑速化然必入於前病 立不知聖道不過人倫 一種謂某所講不過是人倫日用此何人不曉而待講 病又有一等輕言聖道不過人倫日用自謂明識正論 知之或困而好之晦巷謂知之者之所知乃達道也 日用他便以為老生常談彼固不知拾人倫 日用一 以悟後有人倫 語是真實語亦是膚殼語 日用影響禪悟而 無疑 H 驯

一个有用门口

一般蜗才之口自得居安方是灼 知聖 道方許說聖道只是人倫耳 志之士便不敢輕視便肯在人倫日 既聖道不過人倫日用人人能說何俟學而知之因而知之若有 倫體驗口用輕易望烟說火此種是矮人觀場之病此四等似有 依稀將就但求心能明之口能言之以為了事趨向自然不同必 有志無志之分似有識趣邪正之分却總是自暴自棄一流總是 果能立志否不犯自暴自棄之病否 第一先須立志若有志之士力量自 脫營如其種落地縱被泥土盡滿畢竟出頭所以某與諸友講學 用令却不知聖學須深造自得與禪宗祭悟不同又未嘗義力人 欲宗孔師孟不肯影響模糊 昌昧承 富以為有成諸友各各番思 因 無志凡諸自暴自棄者只為世情重石利重意見直羽氣重總只 無志所以被種種紫蔽譬如有力漢被柳鎖械緊定須盡力掙 烈 求仁錄輯要卷九 然不同必欲親身實到不肯 用中下因勉工夫一旦於困 圭

流離污賤至於此極今窥探良家拍 之際婦女尤為塗炭多有名家子良家子或佔為妾媵或迫為娼 懸絕則韶無非勢為趨利為窺而已吾輩既為學何故尚有勢位 於能博譽吾輩既為學何故尚有能所心尚有名稱心上而好臣 意氣不平每見閨閣女流即於女流中於能博譽百工技藝即於 讀書之子吾輩既為學何故尚有淫 放者父母之心各欲男有室女有家各夫其夫各婦其婦豈忍其 心尚有貨利心盛王之世男女有别娼妓之與起於後世今戰爭 好子下而門客勢僕又下|而優伶倡妓强者爭弱者語韻旗則爭 技藝中於能博譽下至相優隸卒細至備工小賈無不于其輩 小而綠訟叉小而殿詈無非只為一團意氣耳吾輩旣為學何故 今天下 的 固無不克滿街衛往還無 日不見鬪殴爭競大而干戈 下之兵志耳若果明明德於天下之 志真則意氣自然頓平能所 **然心嗚呼總無明明德於天** 延娼妓者大牛皆富贵之家

配氣飲神凝志真則通身側但有觸必發有發必消 氣激品自負豪傑有志凡一切與致冰消倜儻自鳴皆是病痛志 者也志不立則氣張矣令人率以氣高為有志不亦自誣耶子意 名譽心自然頭釋勢位貨利心自然頭消渦然心自然頭化志真 足日見已非自肯受人善言人見以為謙非謙也有志也無志則 有分毫不與只是浮氣用事不可不自省 謂一生日志與氣及無志者氣每高志大者氣每下茲志者帥氣 巴不如人别無勝人處 又目志大則氣下志真則氣平志真則日見已過惡志真則但見 則 Ħ 不受人見以為俄非傲也無志也有志無志者其本謙傲者其末 見已長日見已是人指其不是則拂然怒益其所未長則弛然 第一件是立志諺云為人須為徹此便是志有此志則日見不 私然不起志真則病痛易除志真則精神常王志真則心不散 不求仁錄輯要卷九

真志今當湛然靜定一念不起時正 欲明明德於天下不是無事生事否 日子未識心何以知湛然 無所疑只一事質問先生謂明明德 之內不篤志為學者反是 人若為志為學意氣自不飛揚自入細言動學止自在規矩學經 徐徐與之語當有省入處 氣旣衰戒之在得 意氣只是血氣衰則放倒卑污荷賤及至無所不為故夫子日血 意氣用事者遇境便倒 | 意氣最害事有一毫在為害不少 思不能與朋友之於意氣轉才情氣魄者角其辨論俟其稍和至 也 生自庚子春初再見頗知信先生之學問云某聞先生之教別 是心之本體若於此時起念 於天下之欲時刻無間始是

一等知立志夫子云志學云好古敏以求之云發憤忘食顔子云欲 **香忽變而不閒適矣如此閒適有何用生云總遇一殊色雖心不** 定一念不起為本體耶不過看冊子上語信為實然耳不知此正 吾儒之學不是如此討便宜的古人欲明明德於天下有多少事 **花覺閉適有項叉問日子謂心境別適當得事否日當不得 □然** 能不能既竭吾才汲汲皇皇一團真精神鼓舞不倦豈緊念之起 禪家所謂鬼窟裏作活計又所謂守靜塵者也豈堪遠信為心之 子云學如不及猶恐失之又自稱好古敏求發憤忘食看他 甚動覺微與閒適之體有礙日然學未至自得總是境界轉換夫 在且子心境閒適亦因未有所觸而然一旦相觸則目前之問適 本體夫真志不繫念子錯認欲明明德於天下乃起念之谷是未 一生見先生問之日近日何如生日近胸中擾擾一齊放下心境 Ŋ · 大二張 解要能九 汲汲

先 孳孳何等特所並以問適不問適為好惡叩閱數日生又見 方知真志非待於起真工夫非待於做非起故無張強非做 大不同真志亦須親到方知真志不緊念方知真志即 Щ 因 念 生. 人便信不及渾然天地萬物一 無妄之累心境甚不閒適日學有自得者從干擾萬攘干 **某生初不過念念常切** 斷 非 河大地歸自巳轉自巳歸 而泰然者自在于未管深造自得安得不轉換 私居嘆日不特渾然天地萬物一體人信不及即真志 某生於學非不信但不能立志始終以欲明明德於天 川無知見亦不退蹟鳴呼吾安得天下有志之士而與 西 6年所 體之學哉 及 非陽明近溪 本 非 山河大地者不同方知非識仁 þſ 立志 $[\bar{r}]$ 體須深造自得方知與禪 日語方知 故多起知見今亦退階 與主敬 致良知 是真 八之言 故無 若志 學脈 宗轉 思萬 下為 工 篇 不繁 肵

3

大きによっている こう

日近

|道體之本然也道體何害如此此不過生生化化之氣機耳以為 志是通身透體精神非淺淺之謂知志是通身透體精神則 **埃埃深造焉有疑志退睛之理** 在其中矣 晦 卷注子在川上章謂天地之化往者過來者續無一息之 停乃 柱不固之理人志一立當下不放過當下盡人倫日用步步力行 倒即不成志曰柱子一直相梁楹林交發並至登時成屋焉有處 金玉之為至賢人須自巴時時滿責若待師友責不責時如 一友云立志如立柱柱子一立更無轉移若今日竖起明日 真金經得烈火煆煉經煆煉金愈精真玉經得利刃錐鑿經鉅整 曾子日士不可以不弘毅任重而道遠仁以為已任不亦重 玉始成美器若銅鉛之類不堪烈火玻珠之類不堪鎚鑿豈能如 而後已不亦遠乎嗚呼得人如是方能擔荷斯道之傅 阿尼二张解职的九 大 叉放 何

者先難而後獲猶恐失之豈先難而後獲耶今如趕人者正 之好學也外此懸容狀其工夫狀其設心恐不然矣況夫子 之心來孔門好學惟顏子日不遷怒不貳過此夫子所以狀顏子 之心正當孳孳汲汲如不及時那裏還起循恐失之之心來一友 歩向前時若起 所以學貴對 各畫夜盈科而後進放乎四海意合先生日然惟孟子識得此意 月近矣同本是天地之化往者過水者續無一息之停大千言 旨印朱注意先生日儒佛道各别不可援以釋聖言思謂說 道即不是一友云聖人之言看淺則淺看深則深佛氏有善逝之 굸 又日學如不及循恐失之晦羞說如不及是工夫循恐失是學者 即有學者安可不及時自勉意友云如此便與孟子源泉涅 此描寫好學者之心朱注不錯先生日此夫子描寫誰個好學 阆 一八个金車でララン 一恐趕不及之念此兩步必蹌頭不快會好學者 . 與目 日仁 混

今日舉業家叮嚀子弟云急急如趕不上這等用功尚恐之理未 如此友云然則云何日某謂此不過聖人勉勵學者之語正如

得通言下便有安得眼逸意友云覺更明暢想夫子當口語氣本

是如此

夫子云好仁者惡不仁者下言無以尚之其為仁矣不使不仁式 前志故學者以立志為先志即是事事即是志若分志與事為一 只是未省立志 王子墊問士何事而孟子曰尚志下文詳言居仁由義之事總是

謂一生日人若志願大則自待不小志願大則自任重志願大雖 有全副精神着到家庭內事自責自盡不是泛常理會志大願真 **匹蘇之士精神自生志願大則精神皆自奮發緊切目前質用息** 1人水仁 錄輯要卷九

天不必說是工夫只是一真志

加乎其身一日用力而力足總是言好仁惡不仁真志卽是真工

精神緊切自無許多俗念許較自無許多夾雜掛帶心影自淨資 梁自監自不肯隨人起倒自無暇隨人閒走閒語閒笑志大願真 |著到雖妻子婢僕與米鹽瑣屑俱有一團真實精神接待料理自 志願馬得不大自任焉得不重力量焉得不厚精神焉得不繁切 |精神緊切力量自然不同中心達於面目亦無輕浮薄弱之態若 舍目前實事而懸空擔當天下萬世只是望空懸想的意念似乎 志願大一切事愈不肯放過日用細微事事着實 責自盡毫無虛假欲明明德於天下之君子如此 濶大而實茫荡為妄人,而已有何結果志大願真之君子豈其然 凡所待之人所任之事不揀擇好醜不計較雅俗俱是全副精神 义曰人若知得宇宙內事皆我分內事家國天下俱繁屬在吾身 | 團真精神到極處如魯若愚不識不知豈有許多閒計較

|吾性本渾然天地萬物一體吾立則天地萬物一齊俱立吾放倒 遏抑心思自疑一新聚毫不勞攘 學者欲明明德於天下真時物格知至須與問耳 於天下毫不費心思不恃筋力志願真時精神自勃然奮發不可 志願大精神愈繁切自任愈廣遠目前愈歩歩踏實地 盤相意念哉果能如此雖年日克已復禮天下歸仁可也 跟若無志焉得有力量 則天地舊物一齊俱放倒豈不大可懼哉 |个超事赴功負戴營運動作奔走皆費心思須有筋力欲明明德 人須卓然自立禪門每呵隨人脚跟轉若無力量焉得不隨人脚 义日稱性而發志自大 友云立志何分大小先生日志小見、一天便不精神 一生日其為人也發憤忘食樂以忘憂不知老之將至云爾 Ŧ A STATE OF THE PARTY OF THE PAR

í

盡物之性質天地之化育天地民物一身擔荷世道之事即吾身 德在親民在止於至善日大哉聖人之道發育萬物峻極於天日 之學不然致中和天地位焉萬物育焉能盡其性則能盡人之性 謂一生日聖人之學不僅做一端人正士心無惡念身無過行而 展此欲志孔孟之志學孔孟之學方知此憂此欲直是不容已 之事天地之所不能盡皆吾身之所當盡故日大學之道在明明 **睡卷日陽氣所發金石亦透精神** :犬子云是吾憂也孟子曰我亦欲正人心令人誰是抱此憂誰能 做去至哉言乎 巳世上所見如此故學前輩諸賢俱謂可成就自已殊不知聖 不傳孔子之道 钦能不能既妈吾才顏子一段真精神直與孔子錄鋪相敵如何 看他只是一園與精神鼓舞不倦更無别事 17 7 31 1-1-1 11 4 到何事不成又日技出心肝

愚夫 亦 修 |渾然天地萬物一體吾器局本弘吾力量本大吾胸襟本濶 吾道一以實之日裁成天地之道輔 大志則有大力量葢此本吾渾 得承受 共志氣 大志量 Æ 物博厚配地高明配天悠久無噩豈 地設位聖人成能日博厚所以載 物 4. 格而后知至知至而后意誠意誠而后心正心正而 Mi 日徒得謹厚之人則未必能自振 愚婦 ىلىر 后家齊家齊而后國治國治而后天下平日正已而 业 無惡念身無過行而已哉如此大學問大道理非大器局 不能擔荷 大 激厲裁抑之以進於道其實非有奇特道理高遠難 與知與能但無此大胸襟大力量終擔載此 學問不得雖然無志 故 夫子曰不得中行而與之必也狂狷平晦 然 物高 則無力量趨向小則力量 天地萬物一體之 **技而有為惟得此在** 僅如世士 相天地之宜以左右民日 明所以覆物悠久所以 所 見但做 性也吾性本 大 后身修身 狷 道 物正 <u>理不</u> 端 但能 办 P 有 巷

The second of the second

·數畝枝葉蔽雲日其幹挿地參天崚帽磅礴勢若可畏大匠斵之 生云某質粗而露父兄皆教以藏鋒飲鍔近日稍不至甚曰狂狂 · 正志則即吾本然之才復吾本然之性有何難哉 周旋晚仰自然率情任意舉止粗疎踽踽凉凉為俗所情但任道 |監為棟架為梁但見其偉不見其粗但見其允稱不見其無狀又 質地須 俱粗而露翹其嘐嘐然日古之人古之人夷考其行而不掩得者 飲神貌自沉結神愈緊附心思愈平實貼地道理愈見得精細工 力行之步步細密節節深穩但事到五前即是吾本分所當盡皆 不屑不然有所不為皆眼界空一世眼界空一世自不肯與世俗 日 夫愈入深入微有何粗露之可 以全體 胸襟須澗眼界須高骨力須健質地須樸實審知聖學脈路 加 此幾好臂造官殿者須巨木深山大澤之中有根林盤 神 赴之勿以事大而 水仁錢華要先力 新何藏鋒飲鍔之足言 **矜重勿以事微而忽畧則浮氣自**

河闸 **傷來不偽不能入俗不偽不能合世自以為世趨上光潤行得** 然擔荷 又 非不志趣於異氣概卓然不久 便移於世俗之論脂萃曲 世亦自不能染之此其所以進 不亦難哉又曰惟志為最要有 硬掉故為世趨所轉又惟不樸 涉世雖與世相通 又目有人焉志節氣概不為世趨所轉俗習所移雖涉世如未當 賢若終於在狷此在狷之深可惜而吾道之大不幸也 有細密工夫方是在狷成就處方是在狷不終於在 FI 亦見為不觸目好相與而不知質地已壞難以共學矣亦惟不 轉習俗所不能移者是也若 狂 捐惟不知學所以日任 其在捐一旦知學則天地民物霍 千聖學脈欣然承領自不容不力行自不容不入細大器 如與世相隔 可轉可移何志節之有 質故不硬拇鳴 學學者於今日 於 芯 要之志本不羣故自不能同於世 聖人之學若今世子弟其少時 則自有節所謂節者世趨所不 狷 折學起 而 終於

1人 に一家町見を九

Ξ

之真 有 之行便是不知聖人除却琢磨心無不善之念身無過差之行更 底恰恰合得全不見其大全不露其氣魄氣魄之大轉而為力量 之真心乃是入俗之偽念斷斷 趨 又日今學者每云學問只是要琢磨得心無不善之念身無過差 叉 义日已成之鄉愿不多見趣向 叉 自好 甚異處只是氣脈規模大不同世人不信有此大氣脈大規模 聞聖賢大學問大道理恰如以楔合楔恰恰入得又如以葢 日狂狷氣魄大若無聖賢大學問大道理終按抑此氣魄不得 不久便移於 口無聖賢學問而能自琢磨入細者必無此事若今世稍有志 [] 以為見識不差趨向甚正不知如此見識趨向只自是雅 流只是鄉愿一派必不可與入堯舜之道 17年金事でいたり 俗智者以質地本非狂狷其錐削圭角必非成已 鄉愿者 門 夘 比而然觀共志趨神 合

那 見識最不能强無見識者不能使之有小見識者不能使之大 別 開大不能動其心思使之立志堅護其見識堅信其趨 著裁自 見識者終不能 見識之所到大見識者有時不能到徐 之也嗚呼真棄物也已 不見識者必巧大見識者必不巧惟巧故小惟小故 小見識者志必小大見識者志必大志大故見識大志小故見識 每見磊落自信之士其無見識與衆人同小見識與常人無異無 小見識者遇 似天生成鄉愿質地不可變易者與之語不能充其見識使之 其 無 如以為多事嗚呼此其所以不可變易也非天實生之已實成 限之耳 見識者 大處亦祗成其小大見識者遇小處亦祗成其大 到雖與之細闡極論終不到 必不能有志無志故終不能有見識也豈有限之 思則到 센 大見識 之所到小 巧 向 如 不欲

Mars . 1 all although - elda . 1

滯其心胸而不能振拔其爲無志也可知矣又日令人大約重古 **堯舜孔孟者不能破俗** 今之學者有自信實欲爲聖爲賢果然似有志者**益**久之而後知 **奏夫不真實擇善以為巴而徒就人分上輕重安有卓然之識可** 他拘滯於前人之成見而不能自振拔耳夫前人之成見足以 易枝然高明之俗見其能自振板者吾見亦寡矣 **有商鄉这俗見有卑污之俗見高明之俗見易校卑污之俗見不** 其揀好題目做耳夫子曰視其所以觀其所由察其所安人焉廋 以成已而無失哉 俗不可醫有志則可醫有心好奇者亦是俗故非實有自得上契 卑今有輕重之見於中則其識有所蔽而不能知其學之是非 拘

一才仁鈞華要老力

擔當恰是謙虚此 調 意境上 謂 後而萬 謂 期然而 此 但人不能克全此秉蕣遂不能自信耳因云愚少時啰啰進取或 無志故俗不能破流俗之見而自謂不俗者吾未見其可也 間 何等大事何等重任子苟自待不小舍此决無别路可走 以自信耳生云果疑夫子此言似有獨鍾者日天皆生德於人 以聖賢皆天生為識者愚聞之大書壁云我自為之何必是天 一生日學道之人 一友日吾性本渾然天地萬物一體果能自得擔當自大如此 一友日 天生德於子如何先生日 然者 領會終於隔遠果能自得擔當自大非是欲擔當葢有不 世所取則果是一真學者上而天地前而往聖俱默鑒之 渾然天 地萬物一體須深造自得若止於盛促上覺着 乃性分中之擔荷非氣魄之所承 天地所 仰成 此無甚解不過夫子患難之際質 民物所托命前而 往聖所和手 領

常人愈速若左手游行與輕囊溝擔之夫目他視耳 擔當此學擔上此擔子自然力行如負重者然直趨而前行步比 謂生曰茫茫宇宙惟我一身擔當千古學脈推該不得退避不得 然生像然日先生此言真足激属某輩 流合污天亦遂厭絕之或本非天所特生而篤志力行擔荷斯道 欲望子等一 肩承領 敗幾死 日得以 膜目 且子等能 一 有承領則 天心亦遂屬之以為斯文之主權在我不在天又曰觀世問 所特生我能為之何必非天所特生令若能明干聖之學脈繼往 水亦何必不謂之天所特生子等令不能自信若一日好學有 賢之書未發明者自有人發明諸家之學未辨論 應書富貴貧賤有因積德而升喪德而聞者斯文之統何獨不 亦何不可信為天所特生又日或有天固特生而志行不立同 我又何必汲汲於發明汲汲於辨論又日子既知信此學便須 一 求仁錄輯要卷九 謟 者自有人辨 他聽翱翔道 因

聞

聖

自勉 之道當自某个月始日日望日日憂頂是一則以喜一則以懼 以不明不宜某能明孔孟之道某旣能明孔孟之道則昌明孔孟 是聖賢境界雖已知性而因循思忽便通身是俗人境界了何不 某綱思孔孟之道二千年不明至某今日始明之若孔孟之道終 上行步行遲見有人水返迁身避之矣又日萬志力行者當下便

人 水仁 除病要不吃九

The second second

之不立而已不過常知惭愧而已不過常不忍自棄自賊而已初 之走失提心之切則或至作意而動火提志者不然不過自責志 熙自提久久則志漸切漸堅而立矣然提志與提心不同提心者 欲常在於腔子則認存心之道亦錯故常盤桓於腔子常患此心 志不能常為須常點點自提或於容別無記之際點點自提日 立志之始須刻刻自提恭學者初聞聖人之學雖切向往之心而 何 以無志或於经應恍惚之際黙默自提或於因循舊習之際默 明知覺為心欲常在於腔子夫認靈明知覺為心則認心錯 篤志 力行下 四明後學 毛文强孝章 鄭 性義門全校刻

潘子求仁錄輯要卷十

不縣桓於腔子亦無走失此心之思提志之切必不至作意而動

人人一家母臣长十

青志無 來為病久矣日教之以提志尚恐有錯認提心者故不可以不辨 生責此志 云一毫私 提心者自 火戶學者少有意於求道則未免落於提心之窠日益自講學以 人之心 此 即不忽傲心生責此志即不傲吝心生責此志即不吝惧心 此 期 自不至錯 存心一 志即不 志不立 志即不 生 丽 責此志即不求人非人無一事而非責志無一時 然尤自小自棄之心生責此志即不自小自棄求人非 欲之荫貴此志不立即私欲便退聽一毫客氣之動責 作其病欲存心而反失其所為心提志者日漸真切不 條念心生責此志即不然慢心生責此志即不慢忍心 於提心而因藥發病之思其無免乎 地 即客氣便消除怠心生責此志即不怠忽心生責此志 自無不存提志之法畧具陽明先生立志說中立志說 即不忍畏難之心生責此志即不畏難怨尤之心生責 丽 非貴志無一不責志則志立矣學者知所以資志 而非 生責

時而 答一生書云後世提心之學是意作主者也認靈明知是為心而 主人公自作主宰則常在提醒照管主人公則常忽然不在常在 光志是 何 存之為主宰佛氏謂之執內見為我謂之意識其為道也時 星 作不得主忽心在忽已心不在益是意之起滅斷續之分 提 自無放逸昏散之可言自無起滅斷續之可乘常忽然不在 妄 分遂有 呼志者心之所之一往向前全志是心北溪所云心之正 那裏去是也意本屬妄因妄生妄本非靈明而見有靈明妄也 分 醒 滅時而 知意作主而非心之本體客為主而主反失位嗚呼此 主人公自作主宰提心是提醒照管主人公有主客之分 别 照管而後放逸昏散者去起滅斷續 勞逸之殊今之提 內外而 斷時而續佛氏謂之生滅心故提心者忽作得 見有靈明為我因妄生妄也其根本已不同矣 心者謂提 醒 此心常不 則 無時不 走失 然因 則 主客 面全 然 本 則 也

| 一一大日子日子日子の大

守定於腔 神 提省照管惟恐其走失把提操持欲常在於腔子則心勞心勞 倒不定夢與覺殊此皆提心之為害也有志於學者何不 Fi 又書云人情必有所把捉有所操持而後自信其為工夫真志 M 加心 地萬 挺 間 則提省 思不安 執 無 而欲存心之過耶夫吾心渾然天地萬物一體者也 持 物 操 子守定於腔子則見滿前 則滿前無 而魂夢擾亂主賓雜禄亦宜神思不安而魂夢擾亂 照管把捉操持無所不有心本渾然天地萬 柠 體自不當却天地萬物但當去其外誘之私而 する金剛可える 則 셊 乎無工夫去然豈 非引心之境內 無非 與外分夜間睡着 知見有工夫者假工 引心之境矣守定於 物一 則 夫見 魂夢顛 自 準然 體 丕 當 脺 則 丽

也生安能信之夫生之所以不能信者何即豈非以不審明為

工夫所謂真工夫不自

知是工夫真工夫原是無工夫

聍 則 格 學者當擔上天 立志之正 脉路以 體吾人稱 學之脈路故耶若審明為學之脈路則信吾性渾然天地萬物 功 見 不過 制志 之見有工夫平鳴呼此所謂真工夫也若不審 即是率性人 迦 前 違故有起 府 人我即是 即真性見 從收拾 與心違 芒 性發 而 軌也 此耶拙錄云講明學脈則心性已 患 < ▼二 段 財 要 卷 十 苦之 止可覓有間斷 身心上立志從收拾身心上立志則無不見 故不得真心凝謐真性 前 道即天道工夫即本體者也豈 地民物擔子擔上天地民物擔子則是真志 修齊治平大學之道所 志必 其性為工夫全性為志全性為工夫所謂復性之 明明德於天下之欲則是真性為志强恕反求 者其志愈真寫則見心愈如生龍活虎 狄 明明德於天下欲明明德於天下老吾儒 P 乘嗚呼 現前志與心違 由托始也故愚皆與生言 ·此 豈 了了分明若此者 非 如有把捉有操 不 明爲學之脈路 審明爲學之 則 肵 真志 不 عالا 期 自 可 心 持

多仁金盛多義 則 操 團 业 諸 體 恕 权 丽 丁了分 鬒 語世 屬切開 不能 寫 提 必以有形之 即工 灰 持 i 八 求 H 省操持則 占 而 於 夘 夫矣何立體之足言 格 不信心統性情與心者性之郛郭及心將性做館子模樣 1. 明而認 却心性為腔子中物故也認 典五 人以 心性 H. 可見 通 體 隞 人 工 心包 火盛多禮水盛多智土盛多信此昔人之言性也 人心亦然這些虚處便包藏許多道 俱無 一夫者 心 臟六腑各為 內之所謂心焉是分明以血肉團為心夫以血肉 我是全性為工夫全 見 配 此心之存體立而用有以行愚所以不 火其義最精夫心屬火亦醫家之言也木盛 之 形 ĬF. 如云凡物有心而 何 以吾人心性 以無形之心包無形之性若 一官素問之言醫家之說 叩雖然生嘗知心 | 渾然| 性為工 其中必處 天地 夫 **邦心性為脖子中物** 性 則 萬 物一 非腔子中物 I 理又云是 奺 夫 也又云 鷄 削 體 果心包性 心猪 本 取提 者 體 也 i 性 省 本 强

4

勢之所必至矣而义何足以怪生 又書云生初信主敬之辨而今仍謂敬之當主則以强恕反求但 既亡必有後世之 學後世之學既出學者必專信後世之學亦其 火光明閃爍易於散亂不可無管東工夫又俗所易信存主於方 用底又是性亦似一物而含藏於心全恃心之知覺以敷施發用 是性云 些虛處 形氣之一物而貯此性者也又云性是理心是包含該載敷施發 命亦可知心性何必學問乎綜貫九流雜家之言即可任道教 何必聖賢乎且如言心者虚靈不昧云凡物有心而其中必虚這 管束於胸臆見有把捉見有工夫尤俗所共信然則孔孟之學 也嗚呼性具於心中而心為肉團居人胸膈問俗所易信心屬 人之言而亦子平家之言也若是則習醫亦可知心性推算性 包藏道理是虚屬形又云心者氣之精爽云靈處是心 所覺者心之理能覺者氣之靈是惡屬氣果爾則心不過

一大四年 見かけ

四

凯 惺 氣象云 捏 夘 則 妨 非 字不為無忌憚之 字愚當謂東坡若 而 一心屬 怪寂 覺住如火把束緊踩頭不散不散則可以明燭事幾照臨四方 無非僻之干云常惺惺云其心收飲不容一物云觀未發以前 星 接 想亂想者散也 但非可主主敬 非型 防於 悬皆辨之最 物之要而 寂 火是個光 默 不骨 坐澄心體 怪寂寂 佛氏之止觀也佛氏云 一才不金事四分 不 非正體工夫也昔東坡當嘲伊川云何時打破 明閃 散 是 一性惺 詳不必再舉夫敬非可主而主敬之學其說 小人乎夫自古無不敬之聖賢無不敬之學 則失敬而肯聖賢之心法為學問之弊病其害 能 也所 認天理皆止觀之法也皆欲此 無記寂寂非前輩云整齊嚴 知何時打破主字則可救伊川之失打 燥之 以治無記無記者昏也寂寂 以然者為認 物光 明閃 止者寂寂觀者惺惺寂寂 燥 心錯認心錯 則 易散 惟敬 肅則心自 枚 心寂寂惺惺 惺 束得虛靈 凯 煋 放錯 是亂 以 破 如 想 护 何 間 敬 敬

心體 1 Ţ. 安 為 肵 强 加 得拘 操 之謂 管 之 削 地 Ŧi. 物 體 恕 萬 苡 束 ic 弄 一體之心其身為渾然天 理事也即所以存心事理不二體用何 反 隅於陸子吾心真真醇醇渾渾穆穆 派 精 业 物 求 為 存主之 بان 盤 現者 體而安云立 存理得體立用行嗚呼認心為五 **渾然天地萬** 子曰仁人心也此言心之最諦當 格通人我 體工夫 叨 之人矣若 敬 卿 也 操 可謂之存心乎夫吾心渾然天地萬物一體 婀 即彼誠不知吾心為 則 者 持 存主 體 於 渾 物一體之仁則惟盡 認為 胚 嗚呼又安得不 然 子而 使 體之心出 虚 地萬物一體 屬火之心臟 恕 弄精魂矣心非 知覺 者常 見 渾然天 視 臟屬火之 强 芝 力於 者 分其心為渾然天 用事致用 難以名言惟仁 虚 身斯 恕 炯 靈 而 地萬物 一知覺 炯腔 反求但為 其心而安云存 偷常日 安得謂之虚 其 子中 人為 المار 也即所 刖 操 則 用 があった 腪 pJ 烈. 之 4!! 名 地 霻 此 敬 間 而

٠ . . ز

者必操持此靈明知覺之心常在於腔子則為立體有本領又何 **曾與生言為志即吾之本領亦即吾之體真志見前即真性見前** 求覺無本領門人以告先生日二說皆善生亦知吾之本領乎吾 **見之體** 非體乎志常為切即心常疑證 必竟有合有離說工夫 必竟有 斷有續應斯言也其無幾乎如見 所謂點而識之的消息也學問若無這步罪竟不得入微說本體 也又云本無資本無祭翼翼小心如見如承者是何事嗟乎此真 又答生書云前賢云如見如承舊以為主敬不知此直直主在仁 怪其議吾之無體無本領哉 工夫何必言工夫力行皆真性直達又何可以言用彼不知立志 一友私議先生云學專力行有用而無體一生亦云重在强恕及 但屬於子中之虛靈知覺則必存虛靈知覺之心立虛監知 斯能强恕反求而不失接物之用也 ■ 水仁·鈞華·東卷十 非本領乎內力沉重真志即是真 正 ×

立志之不可以已也生亦自勉於立志而已矣今生之為學則異 真仁也志一篤而已渾全其仁敬然則真志之不可不立 一苟不為則精神浮散心思放逸雖欲如見如承不能久也真志苟 之要道也而能與言此乎雖然亦知愚所以責重立志之故乎志 是渾然一體之仁謂之真心疑證謂之真性現前嗚呼此其求仁 立則精 主於方寸不操持於意念脏脏懇懇兢兢翼翼全身是敬恰全身 們存主意念有個操持心中主敬而非全身是敬如見如承不存 然一體真面目也夫此豈非敬乎而要之非持敬持敬者心中有 刖 如承之旨與葢渾然天地萬物一體之謂仁學者旣有志於求 而如見大賓一使民也而如承大祭恪恭無間人已渾然此 如承非欲 何處可容人我低昻之見何處可容輕忽菲薄之念 神 收飲心思疑 水仁錄輯要卷十 如見如承亦不自知其為如見如承噫此真敬也此 一未嘗見大賓也而如見未嘗承大祭也 六 一出門也 心貴 真渾

有陷 與心 若亡苟真志全體用事而不陷溺 立體乎夫吾人真心本無時不發見特以無志故不全體用事而 於 夫為二矣然則真志苟立即是心體常存本體常立不俟主敬以 心之體 可不用矣生雖未嘗有是問而愚謂生必有是疑於何知之於生 川 存主於方寸操持於意念也存主於方寸操特於意念以立 認主敬為立體工夫知之葢主敬工夫全為此心之放逸昏散 是謂志當不得工夫若與志即是真工夫則聖賢所言工夫盡 渾然 豈有二乎應力行則性善見前立志亦性善見前力行之純 聚純一 有 弱 以防此心之放逸昏散則是生但以立志為意向志與工 性善直達流行立志之脏寫則渾然性善亦直達流 真心又無時不用事亦以無志故不凝聚 而不若存若亡即真心凝聚純一而不若存若亡 即真心全體用事而不陷 純 一而 洞 若 存 ult.

益為吾人本來性善性善本未省亡非有甚遠難致之物必待平

主於方寸操持於意念以為立體工夫亦其分之所必然矣然則 立志則心體常立不放逸昏散主敬亦心體常立不放逸昏散 哉不能 路而立志真篤 杊 **琳然於心性者之所能知耶雖然今之能立真志如某所言者誰** 用力為存惟用力乎立志則渾然心體不待存而存矣噫此又豈 朋 又書云後世之學提醒操持乃其喫緊工夫今日審明為學之脈 是通身透體精神則非存主於方寸操持於意念之可比矣 必是立志 何俟乎存主於方寸操持於意念則體立即見真心渾然不可以 可覓無間斷可乘故日志是通身透體精神非淺淺之謂知志 神勃發有火然泉達之機心思凝一有如思若木之養無起 如某所立之真志則其視心如奔逸難馭之物而必欲存 而非主敬噫立志之與主敬 而後得奔逸難馭之物必待乎竭力操持而後定也又 《求仁錄輯要卷十 已無不敬真志即是真工夫然則只立志足乎 可同日而語乎與志苟立 何

盡本分在尚境上力刷本志葢立志真為則脚跟着實歩步脚踏 實地上自不肯放 過當境上自不肯姑容沉着懇到在實地上力 過境界決不肯自放出路儘力打過打過一番 實地步步是真志為工夫児私念遇境則發真志如純 基址未常肴實脚跟原是虚浮未得謂之真志也若果是真志 與敬擔上天地民物擔子而人倫日用及不勝人我低昻之見彼 所赴行所赴即志所貫篤志力行豈有二哉噫真志既立則一 打過數 路者本未審親切影響之浮見向慕之浮興乍冷乍熟倐起條 此勝負之私我知其必無是事也苟或有之亦其審於聖賢之 必無有篤志而不力行者明明德於天下之志肫爲而人我交法 及不能强恕及求 渾然 聖賢歷歷言工夫果不必用乎夫天下只有不力行因於無志者 番則步歩 皆坦夷矣篤志安有不力行者哉志所到即行 一體之志腕篤而事親從兄反不能真愛 則志愈確實有力 郷週難 H 則 倒 脈

未嘗說是工夫一部 夫葢誠然非工夫也工夫二字起於後世佛老之徒葢 友之道便說是工夫然則無志於為聖為賢遂可不為子不為 本無工夫事父母自當盡子道事兄長自當盡弟道事君自當盡 有工夫一片真真 用之外另有 不為臣不為友平子臣弟友是人道之當然則但可謂之力行 只是盡人道而已 臣道交朋友自當盡友道居室自當盡夫道使僕婢自當盡主道 于者之自如是工夫而或以為難或以為不可放過也哉况為學 不自知是工夫真工夫原是 不得謂之工夫故 二時打成一片志打成一片川事事盡分皆真志所率由豈見 一事 八大二郎解要卷十 故說是工夫者主敬之學先立體以為致 聖人但言安而行之利而行之勉强而行之 只是盡本分而已安得說是工夫若盡子臣弟 懇怨去平平密密去豈見有真志故日 四書語語 無工夫豈若支吾於當境排遏於腔 是倫常日用中力行而未嘗說 是倫常 H πí Mi

之所忍者於此有所不為卽能達於彼之所為者達不忍不為於 學者言果說立志足矣立志之外更不容他有言矣 透入學問血脈中更何力行之不貫而尚須更說力行乎然則與 |言為志而已矣立志果足立志果盡立志之外果無容更有言說 不審明為學之脈路則篤何志力何行似乎審明學脈尤所急急 |為學本無工夫力行而已矣不篤志則必不能力行與學者言但 常日用故不可不主敬館理也然則非學養子而后嫁者即嗚 工夫嗚呼為主敬窮理之學者登知是特地工夫耶亦日為盡 典聖 弗得 雖昏昧無志之極而四端未嘗不流露當其流露之頃渾然真 無志則安肯審明為學之脈路有真志方肯審明學脈勿知 理之學先推極知識以為遇事之用亦是另有一事可說是 人無具且縱不知擴充豈無於此有所不忍即能達於彼 勿措勿明 **弗措學脈旣** 明則全志透入學問血脈中全志 呼

常惺惺常提念頭默坐形心體認天理觀未發氣象靜坐養心里 勉焉 前但一 勿居 居安宅時不自知其為安宅由正路時不自知其為正路且居與 人言學並不及工夫惟要人立真志真志果立日用之 而居時而弗居正路非竟合而勿由也時而由時而勿由然后其 工夫真篤志疎漏別工夫疎漏只是貴志不必責工夫令人起 一生自述工夫疎漏先生日此是立志不真錯愁工夫疎漏某 一節一事亦渾然仁義與聖人無異故安宅非意曠而勿居也時 路 斷見為工夫之難 即是工夫如人要起身自然着衣要用食自然下的忘真篤則 而弗山 由 立志真為則居安宅由正路為聖人之歸矣學者何不自 與勿由條忽 耳嗚呼與志用事則真性用事與志見前 並馳於項刻故但可謂之曠安宅而 而不知其志原未嘗真光吾並不教人主敬 則真性 間自不放 勿居会 見 倒

《求仁 錄輯要卷十

學於吾身最切不容不立真志矣次日以語生某日須 |信乎傳不習乎已所 不欲勿施於人亦在其中行有不得反求諸 是做的做的不是工夫若工夫待做是工夫與真志分為兩件真 已亦在其中但立志真篤自然省身誠切不待作意安排然立志 白荳記善惡種種起婚作竈但要人知無離人之已無遺事之理 志即是真工夫真志既純則一日十二時打成一片亦不見有甚 人巴交涉上省身誠 切如曾子為人謀而不忠乎與朋友交而不 要做者非工夫項刻便忘失要立者非真志項刻便放倒放 不真亦為未知此學 又提起亡失了又喚醒起起倒倒日見苦難不知原未嘗有真志 不自責志之不真反苦工夫之難做不亦可悲哉 生云近因工夫疎懈痛自警策時真有矢不再退之勇不一二 問開 切須常來聽講審知學脈清楚始知 知 工夫不 倒

提 如水軟 非志也氣 謂一生日工夫不是做的是自然的志不是要立的亦是自然的 真志真志既立即是 真工夫常足豈有二哉 神 **只起初思量乃是勉强人勉强之力須在初起時用初須起念思** 只是做作非工夫也 志若是要工只是意念非真志也 二日之後氣常不衰豈有是耶子若立志果真則平平軟 待人接物自不忍使少有不慊於心是之謂工夫若工夫待做 起勉强提起之久至於思路漸熟不俟起念時時見前 一或境界臨前忽不及思便須亟亟提起或空問無記 煥發而志立矣志既立自然一日十二時不肯輕易忽畧過一 無問蚤暮不由汝不思量不由汝不比勘自不覺知 弛 如綿似愚若魯不識不知無精采可賜無起止可覓始是 夘 有起倒志無問斷子痛自警策時已是情她之因欲望 放則又痛自懲割又復惰弛難成片段先生日此氣心 又須 耻發債精 無問 軟平 - 巫- 巫

E .F :: 1. 22. 1

白着 明 與之馬疾馳而去欲行不避風雨與之葢亟張而行若無真志即 與之語聖人之學脈極其清楚與之辨儒佛辨老莊辨諸賢極其 志時亦不自知是志直至自得之後檢點從前始知得前此為志 冤屈子等幸一日到有志之時方知前此未甞有志耳但正當篤 义謂一生日人若有真志聞吾之言當下便去力行如人欲行路 更前此為非志歷歷分明生云知非警省志亦當 日此皆標病未探共本乃云子等各自以為有志若說無志便似 思其後愈思愈有味愈覺意趣津津不容已不俟起念思境 **觸境便躕日志須** 如是半載一歲則植根深固造次搖動不得立志如植根思量如 生云某近日各念俱無惟一段風流旖旎之致觸境便動先生 白雖覺歌美未肯上路只是胸中增得些道理知見而已豈不 人氣力 一, 亦仁 對重要卷十 有夾幇立志之始思量即是夾幇初 下立得但不久 須起念而 見前

尚之之好但不久又退鰖先生謂某未甞立志實是信不及日未 生云某每當退節之候閱實警省 生日此是假於外不如思量之有力 夾幇也子等雖自以為有志未皆經久思量又未皆力行懸空未 能而志 培土土愈厚根愈深思量愈久愈切則占愈有力所謂夾帮也志! 有是志而退麛者子 有着實入風吹打自然摇技而倒矣生云立志未有不由於 久思量 日子等一思是便已自謂思量已 既立當下即去カ行 力行 生云儆肖之後或看壁頭精警語或看書亦是夾幇否先 則所謂志者只成 則心入理心入理則志處入理愈深則 日疑壹 《求仁錄輯要卷十 日勃生縱 不久退時便可見前此只是意氣敷發非志 世人每分理與事不知事即理 得一時意念而已我教人思量直是半 外境萬變毫不覺着何論搖動亦所謂 明白再思量何為不 一團精神奮發激厲真有無以 土 迎 味津 於 入事 津欲能不 知若不 上總 思量

香馬 厲之際當下劃然却只是氣氣安能久又日一念不放之人只從 此劃 思量是 黙黙負愧黙默不忍自賊 此 念日當念放平點點不斷初雖藉於氣自後全不是氣若奮發激 矣于於奮發激厲之下若能當念放平嘿嘿不斷如一線釣緊 此奮發激厲重勢頭雖大却只是氣生云某未嘗有嘿嘿不放 可告語之情耿耿切切撥置不下莫看此一線輕却是真心莫看 際便霍然日是了是了從此再不可蹉過了似乎斬 似以至一月兩月三月或至半載即志從此真今子奮發激厲之 一念不放只是耻心日然起初思量是數厲耻心自後不放只是 隱隱地去再不必假意氣重新奮發矣生云某怕問斷須重新 断 E 知黙默負愧是勇不忍自賊是仁只一思量而知仁勇兼 帕 線釣緊之人却無此等斬釘截鐵只是有一種黙黙 間断已是 間断默默不放之人亦無怕間斷之念生云 而已 **釘截鐵** 邦從

|東舜之理大人者不失赤子之心也孩提之童無不知愛其親 帝三王 學不過些小一技能費畢生之精力究無實用功名 老有死之日須思量做何等人結局如此打長思量便能分出路 徑富貴在天不可强求求而得之不過享用幾十年而已詩文夢 及其長也無不知敬其兄也我孩提稍長時實實不慮而知不學 舜堯舜之道孝弟而已矣果孝弟已盡堯舜之道我安有不可 身在聖 合亦不過漢唐以後事功不過强識知慮之能事思量自上古五 先生每對人極教人思量云聖學一無所難難在無志人安能 地我亦出世為人豈得以浩浩一生草草結局思 須是思量方有志一出 賢路上不甘暗落路徑已是分明又思量人皆 以至孔孟皆不過出世為百十年之人而窮神極聖參天 母胎便名為人須思量如何做人到 量至此 經濟須有過 可以 為 便立

N . 1 一旦大小叶子子子

或 為 战 油 **斷竟成一時意氣激發不是真志須再密密思量以至一月兩** 如 生述珠過了十年蹉到二十錯過三十遅到 稍 性紫蔽 然發榮滋長深造自得而幾於美大聖神一日千里耳何難之有 及以做得漢唐以來人物為豪傑能事豈不可惭可愧 而 可 然不容已是謂有志具真志而 至終歲蚤暮無問愈久愈切慚慚慎慎自過 詩 為堯舜之理夫孝弟已盡堯舜之道竟舜之道已盡於 此思量當地發憤當下立志猶未可放却若放却不思漸漸退 長時何故自生迷昧或時為富貴熱中或時為熟名熱中或時 能 出 文博學熱中或時為才智伎佩熱中反欲為漢唐以來人物 油愛親敬長堯舜之道巴盡於我孩提稍長時我安有不 了幾十年本然是個大人枉小了幾十年豈不可慙可 1月七旬草马光十 為 學如 **真種落地** 四十本 不得忽不覺真志 目 來自有之 然 又何故自 達 我 生自 孩提 爈 月

大人者正已而物正者也故行有不得只是 反求諸已

王政即聖學彼謂內聖外王者惡足以知之 至誠無息方是學

之使婢僕或有害於慈令則不敢不慈何皆有異樣工夫為礙另 於義令則必求合義昔之交朋友或有爽於信令則不敢不信盐 |宜背之事父母或有遠於道今別必求盡道昔之奉兄長或不合 荷未遇事時常懷須良雕道之懼已遇事後深自省祭為人謀而 項道理妨功 無異樣工夫另項道理只就汝每日永當缺者事事盡分着着役 長交朋友使婢僕未嘗缺一項但有得宜處有不得宜處為學别 不心乎與朋友交而不信乎並不起爐作竈另有一項特地工夫 又日為學有甚工夫只是盡人倫日用遇事時盡心盡職當下不 生 述 朋董謂希聖之學有妨舉業日子一月之間原事父母奉兄

一流、一次日子田でえて

|| 故日此猶是未力行之故子即將不能血脈相逼針肌奏入 |或 日若不論工夫俱是自然乎日此又不然聖人則安行賢人則 吾人與聖人相去只爭滿與未滿未滿別能近取醬者可謂仁之 充類至義之盡而後真心完滿無滲漏故日力行近乎仁 大缺失自慙自責至滿腔純是惻隱通體俱是惻怛自然血 **故日義不可勝用也** 以言館以不言館充無穿窬之心至此而後工夫極精細極綿密 通 汲皇皇視人猶已痼療切身處尚未血脈相通鍼肌凑入不知 利行吾輩只是勉强而行勉强以盡吾人道盡吾本分豈得說是 一生問自聆師教日用之間强恕反求毫不放過但擔當天下汲 鍼肌凑入始可謂之力行近乎仁也 一月在金車車看一 脈相

方滿則夫子之道忠恕而已矣未滿則孝弟也者為仁之本滿則

學至不容 巴方有幾 分學者氣息 無間 又曰只抱一過時而學之心憂耻情一齊俱到自有不容已者矣 徑行直 不着到而所謂為志力行者在其中矣 是有餘不敢盡不足不敢不勉而已若因其人之可而暢懷盡言 又謂之曰子只當以過時而學為恥耻生 從古聖人必無有可暢吾盡言之人必無有可行吾直遂之人只 斷 聖人說有餘不敢盡甚妙凡言皆然不得以友生親厚遂 謂一生日力行未入細尚是淨氣用事故有失言之悔 堯舜之道孝弟而 又日朋友交久則易褻褻則智氣易露一刻露習氣即是一 P 夘 遂此時便是不謹一時不謹則前後際心體便不能純 一人作二条解要卷十 已矣 **憤耻耻憤憤精神自無 k.d** 列 越 刻間

古

A STATE OF THE PARTY OF THE PAR

路猶 有耻則涕汗交流精 大矣不耻不若人何若人有人只是無耻膺懵懂懂 開一生日夫子云 只步步脚踏實地去不思前不算後不顧左不望右步步力行毫 為秋為問日篤志力行者無一蹴而至之心亦無積 以進或公却當下一步希高恭遠希高慕遠者必定公却當下一 不起念其不篤志力行者或自寛自解謂不可一、蹴而至須積漸 未上路猶 性沸後雖不用扇藥勢自湧先生日不然沸時始是上路若朱 叉日初學須用猛カ 山谷之言可規希高慕遠之人非所論於寫志力行之士也 逃山 可放冷故須武火使沸沸後文火養之方得熟 谷語學不可 落得下生某煎藥告先生日煎藥亦可喻學派 知耻近乎勇孟子云人不可以無耻耻 神百倍直趨而前常仁不讓故日近乎勇 一蹴而至如 一跌一步死死活活擂上了路好落不下若 即春不可以為夏即夏不可 同流合污若 漸以進之心 時是 之於人 灯 扫

1 51

AND THE PERSON

說志即於行上說行即於志上如王子墊問士 做 調 生云某向來 人之事備 問 便 層 坐 見前應盡 H 無志 何韶 到老 者 節 必不安志苟立當下力行當下不肯放過非今日志 可見是說行其為仁矣不使不仁者加 一生日人不可有等待之心 一有等待之心直等 待老 一心之不善一念之不盡 淅 明日 無 大也 如 尚志日殺 矣問 人 的人事即是復性工 成 必不做等後日 ·頹惰 队時動一起身之念臥必不堅坐 叉 叉目有等待 事却答以志 日志與事本非二如好仁惡不仁是志 毎 一無罪非仁非其有而取之非義 一振校便落主 之心者只不知工夫只在 者後日必不為一有等待之心到老 先生 問志又却答以事志與事本非二 夫焉得等待 日 子英管一 敬窠臼 乎其身葢顯然是就行 因 又日有 時 心一念只自 何事 述其自勵語至惟 與一行動之念 居 孟 等待之心只 人事上若 子曰 無以尚之 明日行有 由義 死等 朝 尚 也 志 知

华. 若 步 則 即仁印敬仁敬非二生 被 不善此念之不盡是謂真敬是謂力行是謂工夫只 主 落主敬與日之病不知其惟恐一心之不善一念之不盡 III 而 敬窠日之病根又日自朝至夕惟以不盡分為憂 汰 H. 在 心即於格物正意即於格物誠 勿正心勿忘 惟以不盡分為憂大日以語一生 ilt 尚書多言 入 一心一念上防簡 一息有 断然非主敬持敬人君居億兆之上時時禀 铜 \prod 真心 辨即是不仁即是不敬 > 1 3 TT 1-12 4 敬 勿助長也素信主敬工夫者不可不 凝 如 敬 一所謂 作所疾 日然先 便是落腔子中盤桓為害不細生某但 仁所謂敬豈待奉合乎提議乎 敬德曷其奈何弗敬皆敬為第一 生毎謂渾然是仁渾 如此則刻刻是求仁時時是居 日 此即孟子所謂必有事焉 在 然是敬真極 不敢之心 目 知 無此 此 致 夘 IE 心之 共落 格 叉 E 物 知

事人已內外之見不形有事之時漂凛然惟是一敬 翼翼之謂如云主敬則提醒照管此心胸中却聆耶然有一心在 於天下之責其小心敬畏不敢怠遑恰恰渾然一體之仁不問 非敬矣 無人已內外之間故求仁莫切於敬然須知敬者凛凛兢兢小心 知主敬持敬之失矣 心翼翼渾身是散故無 現前渾然其為仁也無事之時 漂漂然惟是一 乾則 仲弓目 **董草野之士故須立志明明德於天下若帝王卿相** 政一事無不出之以小心敬畏豈非顯然其為一體之仁又日吾 又口孔門弟子問仁多告之以敬如告樊運曰是處恭執事敬告 可知又日仁敬非二 出門如見大賓使民如承大祭葢惟敬 被 | 求仁錄輯要卷十 įh] 非仁益 知仁敬之非二則知敬矣知仁 孔門之學乎又日孔門之敬 人已內外之間 如主敬 則切 則前心炭艦真性 凛凛兢兢 切然提 **蚁之非二自** 無事常如 則 母當明明德 事即是心

政 一路問君子是有志於為君子仲弓樊遲問仁是有 下 同是知道不可須與離自不容於不敬二者似有 **豊為敬平 豊為仁平** 志為君子為仁則自有不容不凛凛兢兢不敢忽易 如承大祭是教戒之辭教之以凛凛兢兢不可忽易凛凛兢兢不 叉日孔子曰修已以敬日居處恭執事敬日出門如見大須使民 翼 軍身是敬者得其心之本體是為仁故 目仁人心 也提醒 照管 測日虚靈不昧是謂失其心之本體夫因主敬而失其心之本體 胸中有一胎胎靈靈之心在者但見心為虛靈知覺故日神明不 管却似胸中有一路路靈靈之心在胸中有一路路靈靈之心在 問身心為二豈非人已內外截然為二乎嗚呼凛凛兢兢小心翼 央離也 忽易則無人已內外之間渾然其為仁矣中庸日 可離非道也是故君子戒慎乎其所不睹 **志於為仁有** 安勉之分然 者在雖勉而 恐懼乎其所 道也者不可

學者但知黃不敬但知敬 豈知但一求仁之志篤切則已是不容不敬不容不改 工夫之 是真工夫 証問又日不知敬之為敬 後賢之所謂安所謂自然則直是坦坦然一無工夫如禪宗所謂 仁之為仁者但寫切其求仁之志則已是仁 所到乎又日敬有問斷此是志有問斷勉强於敬此是志不立全 或謂學者但當勉勉於敬豈敢便言不容不敬不容不敬則仁矣 只一真志篤切則已禪然全其為敬渾然全其為仁故曰武志卽 工夫故日真工夫原是無工夫 丢在無事甲裏者然其為不敬不仁熟有甚於此豈得謂之安乎 亦安矣又日不容不凛凛兢兢不敢忽易是謂安是謂自然若如 然乎又日工夫到不容不若處是謂真工夫真工夫不自知是 者但寫切其求仁之志則已是敬不知 無間斷為難而不知志原未曾立是為

密密運量斯謂之求仁然世之遇事小心一一中數是將虛靈不 求仁乎先生日聖人論心日仁人心也前賢論心日處靈知覺聖 全體命脈所注强恕及求亦士君子行已立身之常事但非其全 生云敬非可主則開命矣若其遇事小心一一中欽亦不得謂之 又日士君子有有綱常名教之思無不具憂世憂民之念但非其 則於求仁大有分辨 以義始是活散含靈明性惺者為之主宰其又何以為心乎如此 **脉之知覺密密運量其三** 人我其遇事小心一一中 妖更覺深切却當體是渾然一體之仁 人志在明明德於天下當 何為而不得仁 反求格通人我乃其全身看到之精神命脈全在於仁如是求仁 精神所着到聖學明明德於天下乃其全體繁定之命根强恕 惟敬束得虚靈知覺住云遇事能濟之 體已是渾然一體之仁强恕反求格通

時時直 復 昧未常失也苟一旦篤志力行則蒙蔽晦昧者悉開而真性見前 而仁矣 欲 體之身其修亦不過六七尺之修非齊治平渾然一事之修六七 格通人我上起見則其身不過六七尺之身非渾然天地萬物一 何啻大小偏全之别直天 尺之修易盡渾然天地萬物一體之修不易盡其於吾聖人之學 又日今之為學者遇事小心一一中太不過從修身上起見不從 體之身自如吾言之非過 性最易惟不力行者以為難盡性本吾所固有前此但蒙蔽 兴直日為仁矣并不說 近乎仁可知吾儒之學只不力行力行 于告子張曰能行五者 明明德於天下切則已好潭然天地萬物一體之身不俟親證 達何難之有 地懸隔矣子等若能身渾然天地萬物 於天下為仁矣能行五者於天下一貫 大 瑡

學者 乎不用却恰是意識 意識是知性容不知性善者也 **苟所學是性善一脈雖心思密運終不落意識不然者雖心思似** 篤志力行 喫力日 二氏廢心不用吾儒心思密運始無罅漏或者謂運心思卽是落 難易可說 有何喫力時時是工夫亦時時不見是工夫有甚起倒間斷有甚 謂 如是之不易學亦終不能成就果似 而 一生日立志是學者最緊要若志只五六分七八分則工夫便 起數 起 倒不成片段大不足為病只要倒時即起候然 見有起 數 則當下復性復性焉得不知 (倒却數 倒日見有間斷之苦見以為工夫如是之難為學 數起自有一日沉霜懇切倒不下時至一日 在. 煩且難者若志果十分真切 샙. 而倒 叉倏

沉

痛想

切倒不下始是真

志

一一一問量即是當下工夫無時 亂念不閒 聞思量立志却看作輕急急欲 懈 夫在其中若不能立志雖與之 言工夫極其詳切終不能力行也 承千聖學脈此豈無志者能之 乎步步力行步步入細一息不容 不力行擔上千聖擔子密密力 切倒不下之時恃 倒 數 一身以買乎家國天下一修身以買乎齊治平擔荷天地民物上 一生 倒數起雖不成志却是志所 自立之根故必有一日 不下時正在起倒者當以為 一着 日 不容放寬此豈志不篤 雜當下人我交涉自 初學思量即是工夫 一,求仁錄講要卷十 則終無此 當下思量全體精神疑聚心不散 者能之乎擔上千聖擔子則不容 日矣 愧不當以為恃愧者猶有沉漏 知下手工夫不知若能立志則工 行故重志重志故貴思量今學者 不思量 不肯不證 即無時 丸 本分自不容絲毫欺妄 不是工夫不必全 沉痛 想 愁

調一生 **西是有事時篤志** 下吾學盡倫常日用吾性渾然天地萬物一體故吾志明明德於 自有日矣嗚呼其其輕此思量也哉其莫暫不思量也哉 密入真入微復性在當下如性在目心故思量是立志丹頭 天下吾工夫强恕反求格通人我吾性分本來之大如此吾道之 謂一生日一念悚切時時見前是無事時力行遇事盡分小心不 只在思量能耐久思量則志立而力行在其中復性在當下知性 津不容已精神勃勃如草水之怒住一些直入一日千里深滑鎮 又是力行丹頭力行是復性丹 不回惑於世情自不搖奪於旁議自不為私欲所捷自不退悔倒 思量而别求工夫思量之久則 志之植根深而有力堅而不退自 思量到津津不容已處精神 EJ 吾性渾然天地萬物一體故吾道修身齊家治國平天 頭復性又是知性丹頭耐久工夫 勃勃如草木之怒生則力行亦津 立志

美工、聖 思量作終身事 切 雖 吾 親 而入思量之力自內而發自外入者離師友則 時 教之思量却無處可容思量在無實地可據無頭緒可喜無頭腦 一欲為大人而不肯為小人 便不容不下手不容不上路便不容不 可見思量亦無味 知不覺思量到津津躍躍處到知耻發憤住腳不得處若不提 思量思量來儘有實地可據儘有頭緒可尋儘有頭腦可見便不 切無放下處學者苟能終其身於思量中則深造自得以至於 日近 性分本水之大吾道本然之正吾學本當如是之真實親切印 切思量即是明師夏友常在 不能月近師友者尤不可不知 切正大如此吾學之平常真實如此欲復吾性而不肯昧吾性 11日本一下水仁綠輔要卷十一 神肯非難事又嘆日令人熟不看思量是淺近事熟肯将 明師良友不如自己思量之有力益 明師良友之力自外 她自內發者政 明

處行到入真人微處即是志到 入真入微處 佛氏枝葉盡脫落惟有一真實 所謂真實即真空也吾儒寫志力 扎 入真境界自得不遠矣 於力行令學者急欲如性而憚 於力行亦奈之何哉 雖時觸發而不知性夫力行者 知性之工夫也故某每云知性繇 討工夫 力行到真處不識不知如愚若 脊精神寂寞念慮俱忘此是力行 力行則真性見前故一無而倏 深益暫思暫益久遠思久遠益 荷能如法密切思量更於甚處再 力行則真性見前篤志則真性 見前如法密切思量亦真性見前 思量一着似淺近却不淺近小思小益大思大益淺思沒益深思 如法密切思量則志篤行自不 容不力 則見其參於前也在興則見其倚於衛也方是力行入真入微 然知性不力行則真性不見前故

當竟似自然毫不見其勉强葢志到極切極篤時真性見前凡於 之以道欲其自科之也令欲自得而不深造其奈之何哉 五輩只思量是勉强時切思量志到極切極篤則真性見前毫不 模率真所謂枝葉盡脫落惟有一真實 力行入真境界平如水軟如綿志一神凝飲華就實自外視之一 力行入真境界無好無閱無於無厭念頭不動方是深造處深造 在生讀老莊愈任其模可 謂得老莊真味吾偏篤志力行則亦任 行則枝葉盡脫落惟有一真實所謂真實者誠也忠信也 悬婦哉 不識不知之愚夫愚婦而已嗚呼吾安得志學之士之皆為愚夫 見其為勉强 人事率性而出故自然也 力行人真境界津津有味孳孳不倦人事輕轉平懷任樣貼體受 | 《水仁錄輯要卷十

勉强於臨事者哉豈支吾於見顯者哉 雅者以此又曰中庸又言莫見乎隱莫顯乎微故君子慎其獨豈 **戒 慎乎其所不 睹恐懼乎其所不聞中庸在不** 董也能三省吾身拳拳服膺事到面前管取平懷任樸貼體妥當 知學之士尚不能於人事之交貼體平實穩當不能不藉於作意 曾子口三省吾身顏子日拳拳服膺而弗失顏曾未當不勉强吾 無事者非作意勉強也 無 不見勉强忽嘆日道也者不可須臾離也可離 志到極切極為時津津有味孳孳不倦所謂好之者也利仁者也 正當交涉時勉强則支吾而已豈勉强之謂哉 胸不睹不聞之際戰兢自省如奧嚇然所謂勉 利 事常若有事賙有事亦如無事常若有事者戒慎恐懼也亦如 而行之者也然則所稱勉强而行之者非平日務心拳時時在 **略不聞說戏慎恐** 非道也是故君子 强而行者在此若

生云無事時固是勉强有事時亦是勉强光生謂正當交涉時勉 愚雖自任知性明學教人思量未嘗廢驚心拳時時在胸不賭不 懼能於身於戒慎恐懼自無須臾離道 痛心者然始有進步處若不自知其非平日無歐兢惕應之精神 勉强當下便知其非當下便知責志不睹不聞我慎恐懼如負風 |她放也若志已打成一片臨事貼體平安此是力行入真境界故 强 時時戒慎恐懼則時時率性必不至於作意勉强 思量是終身事戒與恐懼是終身事能常常思量則常常戒慎恐 聞戰兢自省 無慚痛責志之志力而徒遇事勉强臨事支吾則不久而退睛矣 可惜也哉 日近乎仁苟猶有勉强意在安得近仁又日子等俱未到此逐圖 則支吾而已心竊未安先生日臨事勉强者志未打成一片解 如弊嚇然

・・・とってまできた。」

Ê

又日無志則力行在其中矣篤志則亦不見為力行不見為力行 力行且莫提議 | 水仁鈞事男第十

吾輩勉强之力只在初立志時用若能於立志之初痛下勉强之 **然故日篤志力行者便是聖賢境界** 成一片則恰好盡分毫不見為勉强故作意勉强者須是資志 作意勉强故見為勉强志不打成一片故不得不作意勉强忘打 有所不足不敢不勉有餘不敢盡言顧行行顧言此是力行打 勉强豈非自然 有甚勉强 又日真志打成一 片即是真志打成一片謂之勉强即是勉强謂之自然即是 自後 如順 風張帆毫不見其弊力葢立志之初痛下勉强之力 片時事自然貼體平安毫不見為勉强不見為 自 冹

則志不容不真所謂真志者打成一片是也志已打成一片焉得

藝尚須能力學之光於大道日聖人之道本自平易聖人之學本 | 卒而動揺勉强主持 愈覺喫力 力須用在立志之初勉强到十分十分省力勉强到八分循有一 布綠儘致力在自後順風前進但把柁不撒手而已吾輩勉勉之 分剪力在 义云如以火者須盡力吹發到火頭旺不須着力如張帆者樹枝 經身無远步處 不喫力只為吾輩然溺之久難得拔脚故須痛下猛力不爾舊習 初立志時須痛下猛力到不容不然處始是上路一生云一技一 篤志力行如根深蒂固八風揺動不得志稍浮泛如根入土不深 時時密切思量則志不容不篤志不容不篤行自不容不力矣其 行上喫力乎 不容不處即自然也

一大年史代十

重

萬工夫不見弊力故日真工夫不自知是工夫真工夫原是無工 性者不能道却是力行者所能道到力行之純則渾身是心渾身 則力行亦終離合於孔孟知性對同於孔孟則力行恰是孔孟一 是性所謂力行入真境界所謂力行近乎仁 生云形色天性也非知性者不能到非知性者不能道日固非知 夫非無工夫不知是工夫乃無工夫也 脈矣所以要得 所以要知性亦只為力行後世之學紛岐若知性不對同於孔孟 知性不如心 聖學只在擔荷天地 民物修身為本擔子無容一息放修身無容 一息解渾然天地萬物一體之性已時時直達時時克盡又何論 生日某心中遇有所喜為之便不覺喫力日為學亦然志既真 一十十金車司马 知性

吾性見在日用無一

刻不流行無一

刻不顯露只在篤信而力行

為學只是寫志力行本無工夫自悔從前說工夫之為多事 敬只是兢兢不敢之心兢兢不敢以終日軍然 前賢云敬勝百邪某云志勝百邪 為學真要於敬敬與吾儒心法可惜主敬持敬者錯認敬字 說寫志處即是說力行說力行處仍是說為志益未有寫忘而不 立志則行自力亦不必另說力行近日友朋有以只說立志不說 求極平常渾然天地萬物一體極平常 愛親敬長强恕反求恰恰渾然天地萬物一體愛親敬長居怨反 地萬物一體之張皇 道理甚是平常但言孝弟言强恕反求已盡自悔前日提焊然天 之耳又何必要知 力行者亦未有力行 而非篤志者何可分也 工夫為某病者恐未為是 求仁錄輯要卷十 茜 體毫無渗漏

前輩有云本體即是工夫工夫即是本體此語已覺精切入微今 真志見前即是真性見前 真志見前是謂真敬 真志見前則心思專 一精神凝聚飲念自然不起容貌辭氣自然 志常為切印心常疑證 敬字只是志字時時真志見前即是敬 憂德之不修學之不購聞義不能徙不善不能改是謂真志見前 無不篤志之時即無不敬之時 敬者小心謹畏之謂真志見前無不小心謹畏 無事時真志常見前即是慎獨有事時真志常見前即是集義 時時真志見前則萬菩俱足萬病俱釋 與學者言專提賣志志寫則本體工夫一齊俱斯 不慢易豈非敬

一路已不仁實無諸已無不以藏垢之身忝學者之師長 |真志見前則清明在躬無不以有欲之軀月道學之號與志見前 見神之列於旁雖欲從欲而有所不能 其志見前此身卓然常如列於堯舜禹易文武孔會思孟之間雖 |別言行相顧無不以虛託之言來不遠之耻真志見前則仁實有 **欲不進德而有所不可與志見前此心蕭然常如上帝之臨於上** 與志見前則日見不足無一毫滿假處真志見前則心常泰然無 工是請與志見前 一般是問真志見前 **我慎乎其所不順恐惧乎其所不問起销真志見前常思而大僕** |如臨深門外後薄水是調真志見前必有事焉是調真志見前思 發順忘食樂以忘憂不知 老之 將至是謂與志見前戰戰兢兢 毫抱謙 處 1

筛處光聖學初明之始正 平知力行近乎仁知耻近乎勇三語先生日學只在力行時時憂 萬行直至耄期始日倦於動是其一生何等力行也遂誦好學近 行去步步踏 易大專若論竟舜禹楊文武有甚覺有甚不覺只行去便是從 大不知不覺自願怠緩只是某擔當天下萬世鬆處渾然 等學何等行何等耻在 慙知愧時時奮勵不追精神髮聚融結方是真渾然一體 謂一友日晋輩自信有覺只為道喪千載東走西撞之久看作 雖是聖人原未嘗敢託大因惕然自省其實不託大却有似乎託 又日文王尚能學置說勉勉說稱熙敬止說不顯亦晦無射亦保 之將至他如是吾愛也學而不厭何有於我未之有得看他是何 少少人金草可久 實地步步入住境自然無習心習氣友日然然從 如乾坤初 關繼之以屯此草昧不寧 Ĺij 一體逐 27

君子言思可道行思可樂思字疑當作斯字令始知兩思字原是 憂也實看不去五六月以來始知實實是可憂實實是宜憂的又 有力惟思可道可樂故德義可尊作事可法容止可觀進退可度 自鞭策痛自懲侮者久之 然孟子分明言終係理者聖之事也聖贊則力也吾輩欲至聖人 不廢傲戒詩人稱為睿聖大學引其語中庸兩引其語先生日然 也 又曰某初讀德之不修學之不講開義不能徙不善不能改是吾 難時已受上天玉成之恩今正是恒過能改图心街處而後作之 又日聖人只重行所以要知要覺亦只為行若知覺矣而行上放 日且友朋講學與同不無疑思又恰是徵色發聲而後喻之時遍 際而可以怠緩當之乎苦心志勞筋骨餓體膚空乏拂飢親遭家 又知君子有九思正是吾輩事友目然然衛武公年至耄耋猶 一次大仁錄解要卷十 ----

· 鬆邦是失了聖人要知覺之旨某為敢不自勉 |行實無所以盡道者庸德之行庸德須實行也庸言之謹庸言須 此 結只在間然某自任聖學太過却似大聲以色便與鬧然相違 矩猶是未能踐形猶未全是人在 潘 君子之道 子胡不慥慥爾自問自勉自呼自做何等篇實真至吾輩只時時 只是不足故目有所不足不敢不勉又申之日言顧行 致謹也庸言則非高 傷之道只是子臣弟友庸行庸言平常平實若擔當自任使人觸 以 自省自惕日覺未安 湯文武局公孔子顏有會思孟數聖人思未至從心所欲不踰 子曰某不肖不敢以諸賢自律每每所與打對同者只是堯舜 聖賢之言磨切自已便是明師良友無時不在又霍然省及至 四一節事父事君事見交友之下即接以言行舍却言 談關論影尚日有餘不敢盡言只是有餘行 如何可自安又思全部中庸 顿言君 歸 因

當自任自然不獨人自 裁聖人之道洋洋乎發育萬物沒極於天非精細於三百三千者 **堯舜孔孟之道與 咸王德毅之一言其可味也夫其有旨也夫又日優優大哉禮儀** 中居云荷不至德至道不疑焉欲愛至道先須精神處聚融結以 未可幾也子思子甚危乎其詞也 日待其人而後行我荷 日在只此慥慥於子臣弟友庸言 可不自痛與我苟非共人尚欲能待與而又何以守先待後自 二百威儀三千非精神凝聚融結心思平實貼切者未可幾也大 有餘不敢盡言顧行行顧言慥慥為實有甚擔當自任在有甚 ₺. 先施於別次未能也府德之行尚言之謹有所不足不敢不勉 行中着細的病痛以事父未能也以事君未能也以事見未能 便遊却子臣弟友庸言庸行之本色便是不在子臣弟友庸言 《水仁錄輯要卷十 何行是真擔當真自任如此 非其 觸

後總非名心也 世 其他友生相愛勸愚情精養神愚却 愚令惟以明學為事凡友生來愚心甚喜津津躍躍語之自不覺 | 只一明學脈正人心之志終放不下只一亂學脈害人心之懼終 愛獎如病一般 過了美色好賭者遇了賭伴精神 能項刻安也 但盡人道但欲成就一個人世之知不知名之傳不傳於我 來問學則憂解若久不見問學之友或見友生學不懇切便不免 無病之樂又日恩身體羸病時友生來問學則病愈受雙時友生 日荷得一承學之士是續吾命於干萬世也共為快爽豈止一身 不知 我則學不廣書不傳後則學不傳思世之知我思書之傳 總 一準然天地萬 俗與神氣倍王如 物一體之心自不容已而已矣 如好酒者遇了酒友好色者 何抑止得又 . 幽壤不 何與

退 真自得者平居毫無所晓了只是人有疑來問便係理爽然絕無 明學教人不可但畅已說須隨其言而引進之若有所陳說侯其 明學為 胸 於聖人一體關切於聖人之卒如在目前某亦不自 論語序說至壬戌四月巴丑孔子卒又不覺鼻殷睛淚者雖時某 歸入揖於子貢相向而哭皆失聲不覺身酸臨淚者踰時越日 來自知聖學後一日讀孟子背者孔子投三年之外門人治 叉日開 滞 日恩無他長只是這一條脈路不昧人搖動不得耳 以善服人者未有能服人者也以善養人然後能服天下吾麼 H 中有多少學識不知開口則有閉口全無 人須如此 攻諸人以為菩是與人為善也君子莫大乎與人為善又 口論學便準律有味滔滔不竭左右逢原不假思慮似乎 夘 任將 看

告 諸賢深微立妙之言所晦今先生力關深微立妙之失愈覺聖賢 從容舉盡然後以一言明正其是非則力不勞而入人也深 為追求人與為道自重並行不悖 春風鼓動草根木芽無不發染滋長人誰無乗舞只在和平之氣 凡於學者容德養之醒語開之則彼雖未能實信而志意日感乎 唐言庸行平直正大之味厚先生日子之此言皆偏為讀是 錄者 **设设於天下之士** 相薰相洽自有不知其樂意相關處 H 生讀著道錄有契日聖賢之道平直正大數言可盡奈為後世 相者為國水人吾輩為道水人苗為道水人則為得自重而不 風動自不容不究竟於吾聖人之學矣此亦所以盡性盡人性

書至是無欠既有 唇孟子而獨有契也孟子亦若預知之故日然而無有乎爾則亦 老或入於佛無當於吾聖人之道其有能發明聖人之道者必於 無有乎爾嗚呼孟子之言豈徒然哉 孟子一書暢發聖八之微旨後世之學惟不尊信孟子故或入於 儒其有能盡發佛石之蘊而正雜佛雜老之說以昌明孔孟之道 斯後之學孔孟者 子混入於老佛而以雜佛雜老之學術自信為 **第**其道已盡既有 吾澤只大學一書已足旣有一部中庸即中庸更不可少學庸二 脈於萬世者又安川少乎噫 後學毛文强日。孟子没而聖學亡今至潘子而復明潘子之功 僅二氏二千餘 年來淪髓浹骨被服前賢已久豈僅如當時之 不在孟子之下矣願孟子之所辨者楊墨而潘子之所辨者不 一切して こうなまりをなると 部論語即論語更不可少學庸論語其味無 **血子即孟子更不可少自孟子後聖遠趙**

護不 門人顏日彬日 **今幸得一同志** 於天下後世乃 學故舉世非之 篤志力行窮理 學者 錄 之梓人以公天 着手也散雖然 楊墨辨之而人自信之乎此潘子之苦尤百倍于孟子也兒孟 其時吾雖不能 子去聖未遠知道者猶有其人豈如今日之竟無處敢口無處 分帙類編 離 则 項刻思 必有見 野可付到真里光一 而不顧又日吾得此書真如無價之實珍惜愛 盡性以至于命然亦實信得潘子之學真是聖 其書而興起焉者矣又日吾雖不能如潘子之 天生聖人以續道源豈無意乎否極而泰當 下此 以潘子之書遍告天下而惟存其書以俟後之 先生所著全書未當編輯因學者之請將水仁 Lj 進之四十年而竟不能吾甚懼其久而湮沒也 舟一好義而有力之士梓行于世以光大其學 乙友毅 講 明學脈二日辨清學脈三日致知格物上 非特吾一人之幸實天下萬世之幸也 然以此自任俾余得商 椎而 校正之 材

詳盡 八月 卷四日致知格 物下卷五口一體中係理六日孝佛七日讀書 後廟志力行雖 不敢謂身親證 實然從先生學以契合孔孟 至已酉歲與先生會于訟人書院始讀其書真性勃發舉十餘 力行但合之孔 孟學脈寫有疑焉而以薄質因循未能勘破及 未及追隨聆教 然常有志向道因於程朱王羅之書無不體究 始終而求仁之 年來之疑而未 信者一旦豁然有會遂北面執弟子禮焉從此 凤 貼體親之而性 命以之矣昔羅念菴先生云對朋友便有許多 安知不如不肖彬之始而疑繼而信而後豁然於孔孟之學也 安知人之心 觸而吾人當 學問 而 九日 ₹ 仁錄輯要卷十 初起念祭心亦由有此講說然後前動以是穷 娶既乎有得也不肖彬與先生同里彼此出遊 寫志力行上卷十日寫志力行下卷可認精 不由我哉然則今之讀先生書而未悉其妙者 之矣學者讀其書悉其序會通其義則知爲學 切

切切焉講學不置客不 懌日斯何時也而講學乎二子答日斯 中寅之歲鄉那廣驚羽傲交馳有流離顯沛之患霖濟二子方 療機而笑耕悲思覆寒而惡蠶織也客日講學可以濟時乎一 子曰舍講學之外時我由濟矣豈直可哉客願聞其說二子曰 何時也而可不講學乎客日何益時事二子日如子所見是欲 之不正由 天下之不治山 **廣麗澤約** 聖 金華趙忠濟門

自先聖先賢 者遺偷物正完性命往往口談仁義而父子骨肉之間漢不 惻隱之心雖有而不充至有愛一牛而百姓不加思於入 **光精微而民生休城之際毫不動念不恐之意暫開面** 沒正學日晦異說競與甲者崇事功而問義理 之不講講學則人心正人倫明而天下治矣悅 人倫之不明人倫之不明由人心之不正人心

心藏

處倫 共能為 後 共言始知倫物原在性命內面 强恕而行之旨也其云從格通 物一體者即孟子萬物皆構之 井而妻子不見保者積而為 竟總歸後性從善信以及聖神只此一條賴做去其理則先 切 反 亂也慈邑潘先生皇然憂之 (聖所) 處便 行湯武之師居家者知此學自能親親長長居官者知 身而誠之旨也而又本之於 則洒脫之言盡皆洗滌 物常盡常嫌處便是性命 君 是性命透徹處倫物體 不易其心則 相片 と、一大年町水 抑 此 天地 學自 能成 鬼 簡 提 神 迈 刻 **堯舜之德為將** μij 純亦 肺 **水性命不出於盡倫物倫** 薄馬殘忍為弑逆此 所 人我親證萬 旨也其云格通人我者印孟 出真性命指被 正志客之以思量余兩人反 同契其事則又愚去恐婦 切實手易當下便可若問 恰好處便是性命精微英 不已 Ë 處自此學明 物一體者 帥者 與工夫其云 The second secon 知 世所由 از 而從來 印孟 此學 學. 初 Ė 衠 湖 所 愁 子

馬之於路也行非不請矣然難 哉容日 言脈窃其名耳二子曰講學者正因行之不遠而借師友切琢 业 1 派無不併歸而潘先生則濟渡之實後也其有功於孔孟豈沒 沙水皆具而潘先生則地師之縣穴也孔孟之言如海干流英 人併心一路而自可兼收衆美 子曰孔孟之言眾理畢備潘先生即從孔孟言中指出要訣使 世界客日是則然矣但潘先生所言固孔孟所已發何赘焉 信義崇禮讓修媚雖任恤息争 開訟獄此等世界豈不是義皇 自能已溺已餓農工商買以及 樵夫牧 豎無不知此學自能敦 然然 矣然鞭策偶遺未免中途之躑躅師友之聚循糧 可錄乎容日余非惡夫講學也惡夫行之不遠者徒有其 則 如子所言學問道理本是明白晚暢余雖不做自言下 何須 四才仁会車男を一 川聚月會時時不已耶二子日子不見夫馬子 魯偶 孔孟之言如一塊好風水龍穴 弛未免岐路之徘 H 轡穀策 徊 カ非

於言不及義者平云好名不猶愈於惡名皆歸者乎子又何議 以鼓勵勤修遷善改過耳者必行速而後講永無講時矣且以 焉客唯唯願夙於麗澤之會中遂錄之以廣厮同志 行未述而并廢夫講更永無行時矣即如子所云徒言不猶愈 一张年后公 The second secon

咸豐丁已歲 潘档敬印康账丁酉钱二老問藏板